



35250

kat.komp.


I

Mag. St. Dr.

P

THEOLOGIA.

~~N. 306.~~



35250

I

2 P. 1. 1.
et P. 1. 1.

DIURNUS

SACERDOTVM CIBVS

AD MENSAM ALTARIS PRÆVIUS
Seu

Considerationes de dignitate
munere obligationibus &c
Sacerdotij

POSNANIAE 1691. impressæ

SANDOMIRIÆ autem 1733 reimpresæ
una

CUM OBSERVATIO-
NIBUS LITURGICIS

R. P. GASP. DRUZBICKI

SOCIETATIS JESU

*Collegij Sandomirien-
sac alijs Sch. S. Petri et Pauli.*

Ante & post Missæ Sacrificium prece-
tionibus.

Typis clari Collegij Sandomirien-
sibus

Soci JESU.

Regali Sacerdotio salutem.

95 99 89

35. 250. 1

Diurnum, o Regale Sacerdotium, cibum
pra manibus & oculis habes: idq;
geminum. Primum Romæ Clem: IX.
Anno. 1667. in apertione portæ aureæ,
pia meditationi; alterum Incarnata
Sapientia JESUS, in Sacramento Al-
taris devotæ consecrationi & sumptioni
apposuit. Primum condunt dulcia scrip-
turarum ac Patrum eloquia; alterum ple-
næ suavissimis affectibus observationes Li-
turgicæ, ac alia pietatis exercitia. Ad
primum te invitat illa comminatio Osee.
4 quia tu scientiam repulisti, repellam
te ne Sacerdotio fungaris mihi; ad alte-
rum ineffabilis amor JESU te allicit:
Venite ad me & ego reficiam vos. In-
trosumê utrumq; cibum hunc cum desi-
derio, ut te priori conformes, et totum te
transformes in alterum juxta illud
Christi Domini: tu mutaberis in me: as-
vale optimè.

HEBDOMADA PRIMA.

Die Dominico.

Dignitas Sacerdotum Regalis

Consideratio prima.

IN *Lege Natura, & in Lege scripta,*
apud Gentes, & Hebraeos supra om-
nes mundi dignitates fuit in pretio Sa-
cerdotium: Reges enim, multis in orbis
partibus erant Sacerdotes: & Deus illis
tanquam Regibus tributa conferri iube-
bat.

Apud multas nationes, Sacerdotes e-
rant Iudices populi Deut: 18. Iussit De-
us. Venies ad Sacerdotes, & facies
quodcumq; dixerint, sequerisq; sen-
tentiam eorum: qui autem superbierit
nolens obedire Sacerdotis imperio,
moriatur homo ille.

A Regibus summo in honore semper
habiti sunt, ita ut Constantinus Imp in
primo Concilio Niceno nunquam sedere

ausus fuerit, antequam Sacerdotes conse-
dissent.

Apud Hebraeos summa dignitas filio-
rum Regum erat Sacerdotium: Ideo Fi-
lij David Sacerdotes erant.

Sunt Sacerdotes superiores Regibus,
unde Chrysost: Si vis videre, quantum
abest Rex à Sacerdote, expende mo-
dum potestatis utriq; traditæ, & vide-
bis Sacerdotem multò sublimiùs Rege
sedentem. Sacerdotis thronus in cælo
positus est, de cælestibus negotiis pro-
nuntiandi habet auctoritatem,

D. Greg: Nazianz. super illa verba
Apoc. [Fecisti nos Deo nostro Regnum,
& Sacerdotes] ait: Imperium enim
nos ipsi gerimus, multò etiam præ-
stantiùs, & excellentiùs Regno terreno.

Feria 11.

Sacerdotes sunt plus quàm homines,
sunt Angeli.

Consideratio secunda.

Tunc Christus voluit inferre Sacerdo-
tes esse plus quàm homines, cum

cum ait: Quem dicunt homines esse
filium hominis: *postea conversus ad A-*
postolos ait: Vos autem quem me esse
dicitis.

Et Glossa Interlinearis super illud Pau-
li ad Hebr: 5. [omnis Pontifex ex ho-

minibus assumptus) id est ex commu-
ni hominum statu, super alios elevatus.
Malachias ait: Sacerdos Angelus Do-
mini exercituum est *Super quæ verba S-*
Ioan Chrysost. Sacerdos Dei verissime
Angelus, id est, nuntius dicitur, quia
Dei & hominum sequester est.


Et Ior Ap: scribens septem Episcopis O-
rientalium Ecclesiarum vocat eos Angelos

Paulus ad differentiam Sacerdotum, qui
sunt Angeli terrestres, ait ad Galatas.
Et si Angelus de cælo, &c.

Mandavit idem Apost: velari capita mul-
ierum in Ecclesijs propter Angelos. id est
propter Sacerdotes, ne oculi eorum con-
taminarentur.

D. Hieron. In Carne præter carnem
vivere, Angelica vita est

1007.



Iean: Ap. Qui non nubent, neque nubentur sunt sicut Angeli Dei. idcirco quatuor Angelorum proprietates æmulari debemus: *Scientiam, Castitatem, custodiam ovium Christi, & Legationem apud Deum pro peccatoribus.*

Feria III.

Sacerdotes sunt Amici Dei.

Consideratio. 3.

Imperator ille Saculorum, qui nullam habet sibi creaturam aequalem, imò in cuius conspectu cœli non sunt mundi, & quæq; nobilior creatura est vermiculo inferior: attamen pluries dignatus est Amicos appellare Sacerdotes, postquam eos consecravit cum ait: iam non dicam vos servos, non enim hoc patitur dignitas vobis collata, sed amicos: & alibi. Dico autem vobis amicis meis ne terreamini, unde D Greg. Papa exclamat O! mira Divinæ Bonitatis dignatio! servi digni non sumus, & vocamur amici: quanta dignitas est! Sacerdotes esse amicos Dei, magna & splendida ista præmia sunt. *Vere*

*Verè in praxi Deus Sacerdotes, ut Ami-
cos carissimos tractat: nam si amicorum
omnis communia, Deus non solum com-
municavit bona fortune, Naturæ, Gra-
tiæ, & Gloria, sed [quod est infinita
admiratione, & amore dignum] com-
municavit etiam propriam carnem, &
sanguinem.*

*Solent insuper amici inter se mutuò re-
velare secretiora arcana; & hoc Deus
homo fecit, ut ipse testatur, dicens: Om-
nia quæcunq; audivi à Patre meo, no-
ta feci vobis.*

*Amicorum mensa communis. Nescivit
Rex David melius remunerari fidelissi-
mum amicum, quam dicendo illi Tu co-
medes panem in mensa mea semper.*

*Invitatus Aman, à Rege Assuero ô
quam gloriabatur repetens. Cras cum
Rege pransurus sum! Sed ô quàm lar-
gè hoc munus contulit amicis IESVS, cum
postquam sua carne in Mensa pavit no-
vos Sacerdotes, ait illis. Ego dispono
vobis sicut disposuit mihi Pater R.,
gnum, A 4 ut.*

ut edatis, & bibatis super mensam meam
in Regno meo: & ideo quotidie
Sacerdos invitatur ad mensam Altaris,
ubi in cibum illi dantur carnes amicti
IESU. O mira dignatio! O Charitas!

Feria IV.

Sacerdotes sunt Dij.

Consideratio 4.

Auctoritas absolvendi à peccatis est
opus Dei: unde, quando Christus ait:
O homo remittuntur tibi peccata tua;
ceperunt turbæ dicere, quis potest di-
mittere peccata, nisi solus Deus? El-
as semel tantum clausit, & semel aperuit
calum, ut prohiberet, utque aperiret
fontes aquarum; sed Sacerdos milles in
die potest claudere calum, & aperire,
ut fluant è sinu Altissimi fluentia gratia-
rum.

Benè igitur David. Filios Dei Sacer-
dotes vocat, dicens: Afferte Domino
filij Dei, afferte Domino filios arletum.
& alibi. Deus stetit in Synagoga Deo-
rum, in medio autem Deos dijudicavit:
& alibi. Ego dixi Dij estis: &

& alibi. Nolite tangere Christos
meos.

Quodam modo (sane loquendo) videntur
plus quam Dei, dum toties in Altari De-
um, & humanitatē eius. SS. benedicūt.

Vult Deus, ut Sacerdotes suam prope
immensam dignitatem intelligant; unde
postquam illos ordinavit, ait. Scitis quid
fecerim vobis? ideo filios Heli vocat filii-
os Diaboli, eo quod Sacerdotalem digni-
tatem non agnoverint. Filij Heli, filij
Belial, nescientes Dominum; neq; offi-
cium Sacerdotale.

Deus ipse summopere honorat Sacerdo-
tes, & vult, ut honorentur ab homini-
bus: ait enim: Nolite tangere Christos
meos. Et. Qui tangit me, tangit pu-
pillam oculi mei. & per os Spir. S. In
tota anima tua time Deum, & Sacer-
dotes honora, & alibi Honorifica Sai-
cerdotes. Et IESVS bis misit leprosos,
& infirmos ad Sacerdotes; et quamvis
sciret illos esse Hypocritas tristes, attamen
ait: Omnia quaecumq; dixerint vobis, ser-
vate, & facite. Et ipse Deus. A 5 &

¶ Homo, promptissime & quàm sapissime obedit Sacerdoti ad nutum eius. descendens in Hostiam & Calicem.

Feria V.

Dignitas Sacerdotalis sententijs SS.

Patrum comprobatur.

Consideratio. 5.

D. *Dionys Areopag.* Qui Sacerdotem dicit, augultiozem proutus, Divinumq; virum insinuat, totiusq; sanctæ scientiæ peritissimum.

D. *Ignat. Episc.* Sacerdotium est. apex bonorum omnium, quæ sunt in hominibus.

D. *Greg. Nazianz.* Num sibi honoris expers videtur hoc Sacerdotium, quod ipsi quoq; Angeli, purissimi Dei cultores venerantur, tanquam ipsorum cultui minimè impar.

D. *Ambros.* Nihil est in hoc sæculo excellentius Sacerdotibus, si quod sumus professione, actione potiùs, quàm nomine demonstraremus, ne sit nomen inane, & crimen immane, ne sit honor sublimis, & vita deformis. **D.**

D. Io. Chrysoſt. Sacerdotibus commiſſum eſt, ut ea, quæ in cælis ſunt, diſpenſent: ijs datum eſt, ut poteſtatem habeant, quam Deus Optimus Maximus, nec Angelis, nec Archangelis datam eſſe voluit; n. q; enim illis dictum eſt, quæcunq; ligaveritis ſuper terram erunt ligata & in cælis, & quæcunq; ſolveritis ſuper terram, erunt ſoluta & in cælis. Etenim quid nam hoc aliud eſſe dicas, niſi omnem rerum cæleſtium poteſtatem, illis à Deo eſſe commiſſam. Quid cum hoc honore conferri poteſt? Sacerdos ſedet iudex in terra, & Deus ſequitur ejus ſententiam, atq; confirmat ut quidquid hic in inferioribus judicaverit, hoc ille in ſuperioribus comprobet.

Feria VI.

Ex *D. Io. Chryſoſt.* ſententijs dignitas Sacerdotis ostenditur.

Consideratio 6.

SI quis conſideret, quantum ſit mysterium Eucharifticum, probè is intelliget, quanta dignitate *Ad Sag*

Sacerdotes, Spiritus Sancti gratia, dignari fuerint.

Cogita quali sis insignitus honore, quali mensa fruaris, quod Angeli videntes exhorrescunt, nec libere audent intueri propter emicantem inde splendorem: hoc nos pascimur, huic unimur, & facti sumus unum Christi corpus, una caro. Audiamus ergo Sacerdoti quali mensa facti sumus digni, & honoremus. Sanctis carnibus suis nos dedit impleri, semetipsam apposuit immolatum, quænam igitur erit nobis excusatio, cum talibus pasti, talia peccemus. cum lupi fiamus agnorum comedentes, Terribilia, & honorifica sunt, quæ administrat Sacerdos. Non mortalis quispiam, non Angelus, non alia quævis creata potentia, sed Deus ipse ordinem Sacerdotalem disposuit; ideo Sacerdos Rex dicendus est: & multò honoratior. Nam si de bonis cælestibus agatur, Rex ad Sacerdotem, non Sacerdos ad Regem confugere solet.

Sabbato.

Ver.

Verbis D. Augustini confirmatur di-
gnitas Sacerdotum.

Consideratio. 7.

OVeneranda Sacerdotum dignitas, in-
quorum manibus, veluti in utero
Virginis, Dei Filius incarnatur: ô sa-
crum mysterium, quod per vos Pater,
& Filius, & Spiritus Sanctus operatur.
Uno eodenq; momento idem Deus,
qui præsidet in cælis, in manibus vestris
est in Sacramento Altaris. O venerabi-
lis sanctitudo manuum. O felix exerci-
tium, ô vere mundi gaudium! Christus
tractat Christum, id est Sacerdos Dei
filium, cujus sunt deliciae esse cum filiis
hominum, & quod datum non est An-
gelis, concessum est homini.

Sacerdos hoc ineffabile conficit my-
sterium. & Angeli consi. ienti sibi, qua-
si famuli assistunt. Super hoc tam insi-
gni privilegio stupet cælum, miratur
terra, veretur homo, horret infernus,
contremiscit Diabolus, & veneratur
quamplurimum Angelica celsitudo.

Si bestus est venter, qui novem
mensis Christum portavit, & beata
debent esse corda eorum, in quibus
quotidie erigit ho'pitum Filius Dei. Si
beata sunt ubera, quæ parvulus luit,
beatum debet esse os, quod carnem
ejus suavit, & linguam suavit.

HEDOMADA SECUNDA.

Die Dominico.

Admirabilis unio Sacerdotis cum
Christo in Eucharistia.

Consideratio S.

Ait Veritas, qui manducat meam
carnem, & bibit meum Sangui-
nem, in me manet & ego in eo.

Ideo aut. Vivo ego jam non ego,
vivit verò in me Christus:

O matrimonium purissimum! cui con-
gruit: Jam non sunt duo, sed una ca-
ro. Et Erunt duo in carne una. Sacra-
mentum hoc magnum est, ego autem
dico in Christo & in Ecclesia. ait
Paulus qui subiungit. Membra sumus
corporis ejus, & de carne ejus, & de
ossibus ejus. S.

S. Cyrillus. Si quis liquefactæ ceræ
aliā ceram infuderit, alteram cum al-
tera commisceat, necesse est; ita qui
carnem & sanguinem Domini recipit
cum ipso ita coniungitur; ut Christus
in ipso, & ipse in Christo inveniat. *ur.*

D. Greg: Niss. Sicut parum fermen-
ti sibi assimilat totam conspersionem,
ita Corpus Christi cum fuerit intra nos,
totum ad se tranſmutat, transfert.

D. Ioan: Chrysoſt. Nos secum & ut
ita dicam in unam massam reducit nōq;
idem fide solum, sed re ipsa nos suum
corpus efficit

Ideo S. Agnes aiebat. Iam corpus e-
jus corpori meo sociatum est, & san-
guis ejus ornavit genas meas.

D. Ioan Chrysoſt. Ut itaq; non tan-
tum per eharitatem hoc simus, verū n
ipsa re in illius misceamur carnem,
hoc per escam efficitur, quam largi-
tus est nobis.

Ea re nos alimur, quam Angeli
videntes tremunt.

Feria II.

Quam

Quam stricte ratio reddenda à Sa-
cerdotibus in die Iudicij.

Consideratio 9.

Quamvis discrimen iuxta erit inter
examen Laici, & Sacerdotis, inter
sacrum commune, & sacrum sanctuarij
ô quanta disquisitione unica Missa ven-
tilabitur quo fine, quo modo, qua ani-
ma accessisti ad tremenda mysteria. Cui
multum datum est [ait I E V S) mul-
tum requiretur ab eo; & cui commẽ-
daverunt multum plus petent ab eo.
Tibi ô Sacerdos commendati sunt Thesau-
ri omnes sapientia, & Scientia Dei in
Christo siti, tibi data est potestas in cor-
pus verum, & in mysticum Christi, Ti-
bi data claves cali, ut aperias & clau-
das illud Laicis. Vide ergo, ne tibi fors
Balthazaris contingat in hora exitus tui,
ne tuus Angelus tibi dicat, appensus es
in statera, inventus es minùs habens,
cui consequitur. Projicite eum in tene-
bras exteriores, &c.

D. Hieron. Sacerdotes in die Iudicij
magis supplicijs torquebuntur, &

& hoc Domini fiet iudicio, ut qui plus acceperunt, plus exigatur ab eis.

D. Chrysost. *Auctor, ut asserunt, operis imperfecti dicit rem horrendam.* Laicus in die Iudicii stolam Sacerdotalem accipiet, & à Deo Chrismate ungetur in Sacerdotem: Sacerdos autem peccator spoliabitur Sacerdotij dignitate.

Feria III.

Sequitur id: Argumentum.

Consideratio 10.

Scrutabor Hierusalem in Lucernis
ait Spiritus Sanctus & Petrus Aposto-
lus. Tempus est, ut incipiat iudici-
um à Domo Dei. *Id est à Sacerdotibus!*
& ô quàm tremendum iudicium, fratres:
nobis imminet.

Audite Sacerdotes & attendite, quis vobis iudicium est, quoniam laqueus facti estis speculationi, & sicut rete expansum super Thabor. *Osee 5.*

D. Chrysost. Verè magna confusio Sacerdotum quando Laici inveniuntur fideiores & iustiores. *Quapropter ait Petrus Apost.*

Eia.

Fratres magis satagite ; ut per bona
opera certam vestram vocationem , &
electionem faciatis.

D. Bern. Si altiore & non mell
orem esse delictat. non pramium , sed
præcipitium expectemus.

D. Io. Chryso. Grandis dignitas Sacer
dotum, sed grandis, ruina, si peccenti læ
temur ad altitum, sed timeamus ad
lapsum: non est tant gaudij excelsa te
nuisse, quanti maioris de sublimiori
conuulsi.

D. Greg. Papa. In illud estote parati,
qu'a qua hora non putatis, si ius ho
minis veniet) ait: sollicitè considerare
nos admonet fratres, ne nos qui plu
res cæteris in mundo accèptis cer
nemur ab auctore mundi, gravius in
de iudicemur.

Feria IV.

Quanta perf. etia, & Sanctitas requi
ratur in Sacerdote.

Consideratio II.

Longè enim requiritur sanctitas in
Sacerdote, quam in Monacho: hoc

hoc patet in Sacris Canonibus, & antiquis. Hieron: scribens ad Rusticum Monachum ait. Sic vive in Monasterio, ut merearis Clericus esse: multo tempore discere quæ post modum doceas.

D. Chrysost. Monachorum certamen ingens, verum si conferas, cum rectè administratio Sacerdotio tantum discrimen comperies, quantum inter privatum, & Regem,

Tanta erat sanctitas quorundam Sacerdotum synagoga, ut ad aperiendam Arca viam per medium Iordanis suffecerit, ut pedibus Sacerdotalibus calcaretur iter undosum, & sic siccato alveo pertransiit Arca. Sacerdotes solo tubarum tinnitu muros Hiericho destruxerunt.

Elegit Deus Sacerdotes, ut Aaren ab omni vivente offerret illi sacrificium, & placaret pro populo suo.

D. Io. Chrysost. Splendore vitæ totum illuminantis orbem, splendere debet animus Sacerdotis. Id. Vehementer Ecclesiam Dei destruit, meliores Laicos inveniri, quam Sacerdotes. Feria.

Verbis Christi, & Apostolorum Petri
& Pauli, & Concilij Tridentini,
confirmatur præcedens doctrina

Consideratio. 12.

*Summam sanctitatem requirit Christus
in nobis, dum ait: Vos estis lux mun-
di, Sal terræ, Pastores ovium, Piscato-
res hominum, Iudices sæculi, Disci-
puli, & amici Dei.*

*Ideo Apost. ait. Repurgemus dile-
ctissimi nos ab omni inquinamento
carnis, & spiritus, perfectentes sancti-
ficationem in timore Dei, nec ulla ali-
qua in re dantes offensionem, ut non
vituperetur ministerium nostrum, sed
in omnibus commendemus nosme-
tipos, ut Dei ministros.*

*Conc. l. Trid. init. sess. 14. ait. Clerici
Laicis in vita, sicut in officio præce-
dant & alibi. Moneant Episcopi suos
Clericos, ut conversatione, sermone,
& scientia Dei populo præeant, me-
mores ejus, quod scriptum est; Sancti
estote, quoniam ego Sanctus sum. D.*

D. Petr. Apost. scs concludit. Vos autem genus electum, Regale Sacerdotium, gens sancta, populus acquisitiōnis, ut virtutes eius annuntietis, qui vos de tenebris vocavit in admirabile lumen suum.

Concil. Trid. Clerici levia delicta (quæ in ipsis maxima essent) effugiāt, ut eorum actiones cunctis afferant venerationem.

Sic vivant Clerici, ut possint cum Paulo Ap. dicere. Nostra conversatio in cælis est, non in plateis, non in theatris non in convessationibus, & ludis, sed in cælis, in Cella, in Ecclesia, in Hospitalibus, & Oratoriis.

Feria V I.

Sacerdotum crimina, quàm graviter lædant Divinam Majestatem.

Consideratio 13.

D. IV. Chrysost. Nulla re Deus magis offenditur, quam quod indigni, & peccatores Sacerdotij dignitate præfulgeant.

Idem. Si privatim pecces, nihil

nihil tale passurus es; si in Sacerdotio peccas, periisti.

Idem. Dico horribile quoddam, atq; tremendum: non est ita malum in Ecclesia Dei dæmoniacos esse, sicut Sacerdotes, qui peccatorum sordibus inquinantur: hoc enim pessimum est. ut ait Paulus Christum conculcare, & sanguinem eius pollutum ducere, & spiritui gratiæ contumeliam facere. Nullus igitur impuro animo, sicut Iudas Panem cælestem assumat.

D. August. Gravius peccant indigne offerentes Christum regnantem in cælis, quàm qui eum crucifixerunt ambulantem in terris.

D. Greg. Papa. Nullum puto fratres charissimi, maius præiudicium ab aliis quam à Sacerdotibus tolerat Deus, quando eos, quos ad aliorum correctionem posuit, dare de se exempla pravitatis cernit, quando ipsi peccamus, qui compescere peccata debebamus.

D. Io. Chrysost. Graviora fiunt vulneta, propter Sacerdotis, qui

qui ea cōmilit, dignitatem,
Sabbatho.

Verbis S. Scripturæ comprobatur præ:
cedens veritas.

Consideratio. 14.

O *Quam amare conqueritur Deus a:*
pud Hier: dicens. Quid est, quod
dilectus meus in Domo mea fecit ice-
lera multa. Et Psal. 54. Si inimicus
meus maledixisset mihi, sustinuissem
ut q; tu verò Dux meus. & notus me-
us, qui simul mecum dulces capiebas
Cibos. Id. est in mensa Altaris; Et apud
Malach 2 Vos autem recessistis de via;
& scandalizastis plurimos in lege.

Et Malach. 1 Filius honorat Pa-
trem, & servus Dominum suum, si er-
go pater ego sum, ubi est honor me-
us, & si Dominus ego sum, ubi est
timor meus, dicit Dominus exercitu-
um: ad vos Sacerdotes, Et per os
Isata tenere flet ingratitudinem Ec-
clesiasticorum dicens. Filios enutri-
vi, & exaltavi, ipsi verò ipse-
verunt me. enut-

*trivi mea carne, & sanguine; exaltavi
ad Sacerdotium, apicem omnium bono-
rum, ipsi verò peiores Iudâ. & Satanâ suis
sceleribus, Spreverunt me, Deum sum-
mum bonum.*

HEBDDOMADA TERTIA.

Die Dominico.

*Quam severè Sacerdotum culpas casti-
gat omnipotens.*

A *Mos 3. Deus sic ait. Quia tantum
modo vos (id est Sacerdotes) co-
gnovi ex omnibus cognationibus ter-
ræ. idcirco visitabo super vos omnes
iniquitates vestras.*

*Deut. 21. Sicut antea lætatus est
Dominus super vos benefaciens vobis,
sic lætabitur subvertens vos, atq; disper-
dens. Intelligite hoc Sacerdotes qui ob-
liviscimini Deum, ne quando rapiat,
& non sit qui eripiat.*

*Nobis Sacerdotibus dictum est illud
Psal. 68. Fiat mensa eorum coram ip-
sis in laqueum. Rarò obliviscitur Deus
peccatorum Sacerdotum. De peccato He-
li ait. Idcirco iuravi*
do.

domui Heli, quod non expietur iniquitas Domus ejus usque in sempiternum.

Peccatum Ozæ levissimum quam severè punitum fuit. Iratus est Dominus indignatione contra Ozam, & percussit eum, & mortuus est ibi juxta arcam: O terribilia Iudicia Dei! quis non timebit te Rex virtutum?

Numquid carnes sanctæ auferent à te malitias tuas in quibus gloriata es? *Hier.*

II. noli hoc sperare, ô anima pravaricatrix. Feria II:

Sequitur idem Argumentum.

Consideratio. 16.

Postquam Deus Ezechiele ostendit abominaciones futurorum Sacerdotum, ait

Non pareet oculus meus, nec miserebor, & cum clamaverint ad aures meas voce magna, non exaudiam eos. Hoc est contra illam sententiàm toties. è suggestis decantatam, sed à me nunquam in scripturis inventam. In quacunq; hora ingemuerit peccator, peccatorum eius non recordabor amplius. *Nunquam*

hic locutus est Ezechiel, sed verè capite 18. num 21, ait. Si autem in p^{re}u^{er}it p^{re}nitentiam ab omnibus peccatis suis quæ operatus est, & custodierit omnia præcepta mea, & fecerit iudicium & iustitiam, vitâ vivet, & non morietur: omnium iniquitatum ejus, quas operatus est, non recordabor.

Per os Malach; ait Deus. Et nunc ad vos mandatum hoc ô Sacerdotes; si non veritis ponere super cor, ut detis gloriam nomini meo, mittam in vos egestatem, & maledicam benedictionibus vestris & dispergam super vultum vestrum stercus solemnitatum vestrarum. *O comminatio tremenda, & planè horribilis!*
Et paulò post ait. Propter quod, & ego dedi vos contemptibiles, & humiles in omnibus populis sicut non servastis vias meas. Propter scelera nostra permittit Deus nos pervipendi à laicis, & gravari pensionibus à Prælatiis. Quid ergo agendum, ut tanta flagella vitemus? Custodiant præcepta m^{ea} ut non subjaceant peccato

to, & moriantur in Sanctuario *Levite*

Feria II.

Sequitur Idem Argumentum.

Consideratio. 17.

IN Revelationibus S. Brigitta sapissime
Deus conqueritur super iniquitate Sa-
cerdotum, exaggerans gravitatem & o.
vocans eos: peiores Iudæis & paganis,
& omnibus alijs delinquentibus, asserens
majora tormenta inferni esse illis reserva-
ta, & majori supplicio puniendos quam
Iudam. Et in quodam capite replet eos mil-
le horrendis maledictionibus & infine ma-
ledicit JESUS, quicquid edunt, bibunt,
tangunt, elementa quæ eos sustentant. &
illæ Revolutiones sapius ab Ecclesia appro-
batae fuerunt.

Deut. c. 48. Percutiet te Dominus e-
gestate, febris frigore, & ardore, & æstu,
& aere corrupto, ac rubigine, & perse-
quetur donec pereas.

Punivit Deus Moysen & Aaron Sa-
cerdotem propter peccatum leve reputatum,

B 2

quia

petra, &c. nolens propter hoc eos ingredi
terram promissionis.

Nadab, & Abiud filii Aaron statim
oc fuerunt à Deo morte improvisa per-
cussi, quia in thuribulis posuerunt ignem
non institutum à DEO; peccatum, prima
facie, admodum leve. Quid fiet de Sacer-
dotibus, qui vel vendunt Christum ignem
Divinum, vel ignem luxuriæ ad aliare
circumferunt. Heu horror!

Feria IV,

Deus ideo severe punit culpas Sacerdo-
tum, quia ipsi sunt petra scandali, &
causa peccatorum populi.

Consideratio. 18.

D Greg. Ruina populi maximè ex-
culpa Sacerdotum fuit.

Et atibi. Quanto non datus gladio,
feriatur à peccatis, quibus quotidie per-
cussionibus populus puniatur, vide-
tis; ex cujus hoc? ex Sacerdotum pec-
cato agitur. Nos pereunti populo au-
ctores mortis existimus, qui esse debere-
mus Duces ad vitam; ex nostro pec-

cato

éato populi turba prostrata est, quia nostrâ negligentia, ad vitam erudita non est.

D. Bern. Misera Sacerdotum conversio, Dominicæ plebis miserabilis subversio est.

Ambr. Populum videmus nugacem, & indoctum, eo quod tales habent Sacerdotes.

D. Io Chrysost. Si Sacerdotes fuerint in peccatis, totus populus convertitur ad peccandum, ideo Sacerdotes non solum pro suis, sed pro omnium peccatis rationem reddituri sunt.

D. August. Quid in die iudicii futurum est de Sacerdotibus, à quibus sunt omnes animæ exquirendæ?

D. Chrysost. Sicut de templo omne bonum egreditur, sic & de templo omne malum procedit; cum videris populum indisciplinatum, cognosce, quia in Sacerdotibus culpa est.

Hieremias & Ezechiel aiunt vastationem illam horrendam Hierusalem factam à Chaldeis processisse ob peccata Sacerdotum.

Feria V:

Summopere tenentur Sacerdotes dare
de se populo exempla virtutum.

Consideratio. 19.

S*anctæ Iudith aurea verba*, Vos estis
Præbyteri in populo Dei, & ex vo-
bis pendet anima eorum, ad eloqui-
um vestrum corda eorum erigite.

D. Paulus ait Tito. In omnibuste i-
psam præbe exemplum bonorum ope-
rum, in doctrina, in integritate, in gra-
vitate.

Et alibi. Sic nos existimet homo, ut mi-
nistros Christi, & dispensatores myste-
riorum Dei.

Concili. Trident. Nihil est, quod ali-
os, magis ad pietatem, & Dei cultum as-
siduè instruat, quam eorum vita, &
exemplum, qui se divino ministerio de-
dicarunt: in eos, tanquam in speculum,
reliqui oculos conijciunt, & ex eis su-
munt quod imitentur; quapropter sic de-
cet Clericos in Domini sortem vocatos,
vitam, moresq; suos componere, ut
hab.

habitu, gestu, incessu, sermone nihil, nisi grave, moderatum, ac religione plenum præferant.

Feria VI.

Scientia quam necessaria in Sacerdote.

Consideratio. 20.

Oseas Quia tu scientiam repulisti, repellam te, ne Sacerdotio fungaris mihi, *Grandis comminatio!*

Malachias. Labia Sacerdotis custodiunt scientiam, & legem requirunt de ore ejus. *Fussit Deus Sacerdotibus, ne biberent vinum.* Ut haberent scientiam discernendi inter sanctum, & profanum.

D. Io. Chrysost. Ad Sacerdotem pertinet, non solum scire legem, sed ad interrogata respondere de lege.

Idem Quid est Sacerdotale cor, nisi Arca testamenti, in qua spiritualis doctrina viget, tabulæ legis jacent. *Et tamen hodie, quanta ignorantia viget in Clero, quæ non esset, si Episcopus initiandos. publicè docere juberet doctrinam Concilii, & Catechismi: nec ullos admitteret*

ret ad examen , nisi prius per octo dies spiritualibus exercitijs se munerint & publicè doctrinam Christianam exercuerint;

S. Furseo Episc. rapto ad videnda aeterna supplicia , dixit Angelus Orbem ferè totū superiorū cuiusq; ordinis negligentia interire. Sabbatho.

Impuritas, quam enorme scelus in Sacerdote.

Consideratio 21.

Homo, qui accesserit ad ea, quæ sanctificata sunt, in quo est immunditia peribit coram Domino. Levit 22

Oza cecidit mortuus ante Arcam, quia, secundum aliquas Doct. fuerat cum uxore nocte antecedente.

Filios Heli tam horrendè punivit Deus, quia parum casti essent in illis sacrificiis quæ erant mera umbra sacrificii nostri. S. Teresa vidit duos Damones suffocantes Sacerdotem ad Altare, quia erat pollutus; & nisi ipsa orasset, mortuus ad Altare cecidisset.

D. Paulus. Nescitis quia tempium Dei estis

estis, si quis autem templum Dei violaverit, disperdet illum Deus. Si Laicus est templum Dei, quanto magis Sacerdotes.

Alibi. Nescitis quia corpora vestra membra sunt Christi, tollens ergo membra Christi faciam membra meretricis? Absit, Christus, qui è Virgine nasci voluit, & in calis stat semper, septus choris Virginum, qui sequuntur Agnum, quomodo patietur se tractari manibus immundis. & sumi ore illò polluto, quod paulò ante basia meretrici impressit. Sic ait Hieronym.

HEBDOMADA QUARTA.

Die Dominico.

Sequitur idem Argumentum.

Consideratio. 22.

D. Hieron. super verba Ezech. Sacerdotes ejus polluerunt Sanctum, ait. Corpus Christi polluet, qui immundus accedet ad Altare.

D. Joan Chrysoft. Illi qui non mandā animā corpus Christi accipiunt, idem supplicium perferunt cum illis, qui eum clavis cruci affixerunt.

D, Paul. Heb. Irritum quis faciens præceptum Moyſi, abſq; ulla miſeratione duobus vel tribus teſtibus moritur; quanto magis putatis deteriora mereri ſupplicia, qui Filium Dei conculeaverit, & ſpiritui gratiæ contumeliam fecerit.

Pœnitentias graviffimas ſacri Canones & concilia pro fornicatione impoſuerunt, inter quos Gratianus diſtin. 83. reſert hunc Canonem.

Præſbyter, ſi fornicationem fecerit, decem annis pœniteat in hunc modum: tribus menſibus ſolo pane, & aqua humi ſemper proſtratus in ſacco veniam imploret; poſtea unum annum cum dimidio in pane, & aqua expleat, exceptis Dominicis & Feſtis; deinde uſq; ad ſeptimum annum tres dies hebdomadæ in pane, & aqua jejunet; à ſeptimo anno uſque ad decimum in pane & aqua, ſextâ Feriâ jejunet. *Hoc certum eſt; quod à Canonibus ſacris Clerici ob ſimplicem fornicationem perpetuò irregulares declarantur.*

Feria

Feria II.

Sequitur idem Argumentum.

Consideratio 23.

V. *P. Magister Avila narrat de quodam Sacerdote impuro cujus manus ad Altare exusta remanserunt: Alius dum sumeret Corpus Christi crepuit.*

*D. Paulus scribit multos in primitiva Ecclesia, ob indignè sumptam Eucharisti-
am morte improvisa, vel longa infirmi-
tate perijsse. Ideò inter vos multi infirmi,
& imbecilles, & dormiunt multi.*

*D. Ioan Chrysost. narrat suis temporibus multas publicas infirmitates accidisse, ob indignè sumptum Sanctissimum Sacra-
mentum. Ideò Fratres ait D. Cypri. unusquisque consideret, non quod alius pas-
sus sit, sed quid ipse pati mereatur. nec
evasisse se credat, si interim poenam distu-
lerit, cum timere plus debeat, quem sibi
Dei Iudiciis censura reservavit.*

*O quàm horrendum est incidere in
manus Dei viventis, qui ait, mihi vindi-
cta, & ego retribuam. Pleni sunt Ani-*

nales terribilium casuum quos ob brevitate non refero. Ideo Sacerdotes qui accedunt ad Dominum sanctificentur nè percutiat eos Dominus.

D. Dion Cart. ait: Angelum revelasse Servo Dei, ferè nullos in Purgatorio Sacerdotes inveniri eo, quia, qui sanctè vivunt, illico calum intrant, vel parum in ignè morantur; cæteri, qui impurè vivunt, damnantur. non permittens Deus ob gravem injuriam illatam Ordini, & Sacramento, ut verè pœniteant: cui concordant. D. Iò. Chrysostomi verba. Non temerè dico, sed ut affectus sum, ac sentio: non arbitror inter Sacerdotes multos esse qui salvi fiant, sed multò plures qui pereant, in causa est, quia res excelsum requirit animū, & innumeris oculis illis opus est undique.

Feria III.

Summa debetur cura in castitate servanda, exemplo Sacerdotum Gentilium.

Consideratio 24.

A *Thenienses Sacerdotes vivebant in spē luncis ne ut ait Plut contagione aliqua*

cujuslibet juxta sedes est Dei: multo magis sedes & templum vos esse debetis mundum, & immaculatum, Carnes ergo vestras timore ejus configite.

Festa IV.

Sacerdotes tenentur vacare à curis secularibus, ut orationi, studio, verbo Dei, Sacramentis, & piis operibus dent operam.

Consideratio. 25.

IN Canone quodam Apostolorum legitur ita: Episcopus, aut Sacerdotes, aut Diaconus nequaquam seculi curas assument, sin aliter, deieciantur. & in alio Canone. Non oportet Episcopum, aut Præbyterum aut Diaconum publicis se administrationibus immittere, sed vacare, & commodum se præbere usibus Ecclesiasticis. In animum ergo inducant hoc facere, aut deponantur; nemo enim potest duobus Dominis servire.

Concil. Carthag. Episcopus, vel Sacerdos tuitionem testamentorum non suscipiat;

&

& nullam ad se rei familiaris curam re-
vocet: sed lectioni, & orationi, & ver-
bo prædicationis tantummodo vacet.

Clemens PP. Sacerdotem oportet irre-
prehensibiliter vivere, & summo studio
niti, ut omnes vitæ hujus occupationes
abijciat, nè fidejussor existat, ne advo-
catus litium fiat, neq; in ulla aliqua oc-
cupatione prorsus inveniat mundialis
officii occasione perplexus, ne præfoca-
tus præsentibus hominum curis non pos-
sit verbo Dei vacare.

*Et quia multi dicunt hos Canones in
desuetudinem abiisse, audiamus quid
Concilium Trid: dicat.* Statuit Sancta Sy-
nodus, ut quæ aliàs à Summis Pontifi-
cibus, & sacris Conciliis de Clericorum
vita, honestate, cultu, doctrina retinen-
da; ac simul de luxu, comestationibus,
choreis, aleis, lusibus, aliisque crimini-
bus, necnon secularibus negotiis fugi-
endis, copiosè, ac salubriter sancita sunt;
eadem in posterum iisdem pænis, vel ma-
joribus arbitrio Ordinarii imponendis ob-
servan;

servantur. Si quæ veró ex his in deservitudinem abiisse Episcopi compererint, ea quamprimum in usum revocari, & ab omnibus accuratè custodiri studeant.

Feria V.

Sacerdotes tenentur ad paupertatem.

Consideratio 26.

D. *Bern:* Quidquid præter necessarium victum, & vestitum, de Alta retinetur, tuum non est rapina est, sacrilegium est. *Nam Paul ait.* habentes alimenta & quibus tegamur his contenti simus; dixit: quibus tegamur, non quibus luxuriemur; non quibus superbiam.

Concil. Carth. Episcopi modesta sumptuosi, & mensa & frugali victu contenti sint. & hoc ad Sanctæ Romanæ Ecclesiæ Cardinales pertinere decernit.

D. Bern: Væ tibi Clerice, qui peccata populi comedis, bonum erat tibi magis sordere, vel mendicare. Venient Clerici ante Tribunal Christi, audienturque populorum querela gravis, accusatio dura eorum, quorum Clerici vi-

xere stipendiis Quid tibi insipiens divitiarum sapiunt, quibus mercaris tam grave judicium.

Idem: De altari, cui servit Clericus non loculos congregat, nec vanitate, vel superfluitate dispergat, nec extollat de facultatibus Ecclesiarum consanguineos suos.

Idem: Ea o Sacerdos, noveris in Judicio tibi imputanda, quæ inter delicias, comedis & parvipendis.

D. Hier. Clericum ex inopi divitem, ex ignobili nobilem, tanquam pestem fuge.

D. Paul. Radix omnium malorum cupiditas, quam quidam appetentes, erraverunt à fide.

D. August. Pauperem vitam Sacerdos gerere, quod super est præter victum & vestitum, pauperibus dare non differat, quia omnia quæ habet pauperum sunt.

S. Thomas de Villa nova sic ait. Fratres, si hora mortis meæ Christus me invenerit habentem unum tantum Julium in crumena, animam meam certè damnatam.

tam credite; nec me sepeliatis in loco sacro.

Idem Sanctus agebat. Cum audio Clericum aliquem beneficiatum in morte, apud se habuisse nummos; sic dolore afficior, ac si mihi diceretur illum fuisse mortuum juxta concubinam; quia pari modo damnatum credo Clericum, qui de bonis Ecclesiæ thesaurizat, quam qui vivit in concubinato. *O verba tremenda.*

Idem. Dominus in die judicii quaeret rationem de bonis Ecclesiæ. sicut de re furto sublata, si malè expendantur.

Feria VI.

beneficiati ad quid teneantur.

Consideratio 27.

D. *Thomas Aquin.* Bonorum Ecclesiasticorum Clerici non sunt verè Domini, sed dispensatores.

D. Hieron. Quidquid habent Clerici pauperum est: & maximè curandum est illis, ut de decimis, & oblationibus, cenobiis, & Xenodochiis, qualem potuerint sustentationem impendant.

D. Ambr. de se agebat. Omnia, quæ
habeo

habeo, pauperum sunt.

D. Hieron. iuxta Sanctorum Patrum traditionem novimus: res Ecclesiae, vota fidelium esse, pretia peccatorum, patrimonialia pauperum.

Hunc tremendum Canonem refert Gratianus. Si res Ecclesiasticas Episcopus in suas proprias voluptates usurpare voluerit, aut propinquis dederit, hunc oportet reum esse Concilio.

Verba Concil. Trid. Omnino Sancta Synodus interdicat, ne Episcopi, & Praebentati ex redditibus Ecclesiasticis consanguineos, familiaresque suos augere studeant.

Et Gratianus verbis Urbani. PP. concludit. Si quis autem secus egerit, videat, ne damnationem Ananiae, & Saphirae percipiat, & reus sacrilegij efficiatur, sicut qui fraudaverunt praedia pauperum.

D. Hieron. Clerici qui de bonis pauperum sustentari possunt si quid pauperum percipiunt, sacrilegium committunt.

Philippus Cancellarius Parisiensis post mortem apparuit Episcopo dicens, se esse damnatum ob defensam pluralitatem beneficiorum.

Alius Præbyter apparuit damnatus, eo quod noluit relinquere alia beneficia uno retento, post damnatam Parisiis eorum pluralitatem. Hac Doctissimus Cantipair: Sabbatho.

Ambitio dignitatum, ruina Ecclesiarum.

Consideratio. 28.

D. *Ioan. Chryso.* Dum miror si potest salvari aliquis Rectorum, video tamen aliquos etiam concurrere, & præcipitare semetipsos in tantam molem & difficultatem regiminis.

D. Greg. Nazianz. Nemo sapiens læto animo creatur Episcopus si quis pericula, & suplicia ei proposita consideratazq; adeo stultus, videri potest, qui cum viam complanatam, & expeditam ingredi possit, sponte se in locum angustum, periculosumque redegerit.

D. Ioan

Chrysoſt Ep ſcopa-*rus*. Oceanus curarum,
abyſſus laborum, & dolorum.

D. Cyprian: Sicut peremptoria eſt
altitudo quaſita, ſic periculoſiſſima eſt o-
blata.

D. Bernar. de malis Prælatiſ ait. Vos,
dum luxuriando peritis, pauperes ſpo-
llando perimitis.

A N T E S A C R U M O B S E R V A T I O. I.

Proteſtaberis diligentiam & diffidentiã
diſpoſitionis ad ſacrum. Petes eandem à
Deo.

O Beatiffima Trinitas DEUS meus! e-
go quidem quantum ex gratiã Tuã
poſſum, volo & conor me diſponere, tam
ſequenti-
bus, & paſſionibus ad Sanctiſſimũ Filij tui
Sacrificiũ offerendum, Sacramentumque
ſumendum quam digniſſimẽ; ; tamen non
confido, immò diffido prorsũ omni meã
diſpoſitioni; & à Te ſolo diſponi, meã;
que diſpoſitioni benedici peto, & ſpero,

&

& desidero. Sed & à Te disponi non cupio propter ullum bonum meum, quatenus meum; sed purè propter Dignitatem, Voluntatem, & Voluptatem Tuam majorem. Tu igitur me dispone ad hoc, & ad omne Sacrificium Sacramentumque tam meâ, quàm Tua dispositione, sicut potes, scis, & vis. Disponè me propter Te, dignè Te.

OBSERV: II. *Facies Intentionem communem generalem, Concessæ memor Indulgentiæ*

Ego volo celebrare Missam, & Consecrare Corpus & sanguinem Domini nostri JESU Christi, juxta ritum sanctæ Romanæ Ecclesiæ, ad laudem Omnipotentis Dei, totiusque Curiæ triumphantis; ad utilitatem quoque meam, totiusque Curiæ Militantis; pro omnibus qui se commendaverunt orationibus meis in genere & in specie; & pro felici statu sanctæ Romanæ Ecclesiæ, Amen.

Gaudium cum pace, emendationem Vitæ, spatium veræ pœnitentiæ, gratiam

&

& consolationem S. spiritus, perseverentiam in bonis operibus tribuat nobis omnipotens & misericors Dominus, Am.

OBSERV: III. *Facies Intentionem particularem, privatam pro libitu aut debito fructumq; Sacrificii distribues in Deum, Sanctos, Ecclesiam, in te ipsum, in vivos, mortuos, memor indulgentia & privilegii liberationis Anima.*

OBSERV: IV. *Memento utrumque facies, Negotiorum quoque & necessitatum, pro quibus orare debes, soles, vis.*

OBSERV: V. *Institues Conscientiae examen, super hæc potissimum.*

1. An heri notabilis quid deliqueris?
2. An heri exactè feceris præparationem; ipsum Sacrum; gratias post Sacrum.
3. An vesperi Examen, & an utrumque, & quomodo feceris?
4. An omnes vespertinas internas externasque Consuetudines perfeceris & quomodo?
5. An mortificationes internas exterq;

nasque; censorij examinis & extre-
mae unctionis: Indulgentiae quoque
plenariae & praeos mortis feceris;

6. An obdormieris inter orandum mo-
re solito?
7. An actus mediae noctis feceris &
quomodo?
8. An praeveneris tempus surgendi, vel
saltem in puncto pulsus surrexeris
& actus solitos feceris?
9. An sedulo praeparatus mentaliter ad
normam conscientiae meditatus sis?
10. Anfructuose cum observationibus
& reflexione & ruminatione medi-
tatus sis?
11. An nunc commodè tempestivèque
Sacrum pares?
12. An sentias & excites famem amo-
rosam Sacri, & Sacramenti & unio-
nis cum Christo?
13. An feraris immenso desiderio exal-
tandi DEUM sacrificio.
14. An aliquas & quomodo, Ca-
nonicas jam dixeris horas?

35. An hodie jam crassius quid deli-
queris, neglexeris &c.

39. An Intentiones diei feceris?

*Discussionē facta. quā culpabilia inve-
neris: confiteberis SS. Trinitati (& pro
tempore Sacerdoti): omnia tanquam Sacra-
mentaliter, & addes.*

O Beatissima Trinitas DEUS meus, con-
fiteor Tibi & B. M A R I Æ semper
Virgini; B. Michàeli, & omnibus San-
ctis, quia peccavi nimis cogitatione, ver-
bo & opere, & omissione. *Quia adhuc
carnalis sum & mundanus. Quia plenus
concupiscentiarum motibus. Incustoditus
in externis sensibus. Sape multis vanis
phantasiis implicatus. Multum inordina-
tus ad exteriora. Negligens ad interiora.
Levis ad risum & dissolutionem. Prom-
ptus & incircumspectus in loquendo. Dux
ad fletum & compunctionem. Rarus
& tardus ad recollectionem. Segnis ad o-
randum. & frigidus in meditando. Velox
ad laxiora & carnis comoda, Segnis ad
vigorem & fervorem. Curiosus ad nova*

audienda & pulchra intuentia. *Remissus* ad humilia & abiecta amplectenda. *Cupidus* ad multa habenda. *Pareus* ad dandum. *Tenax* ad retinendum. *Puſillanimus* infirmus in me ipſo vincendo & abnegando. *Stultus* & vanus in me ipſo oſtendendo, & videri æſtimarique ab aliis volendo. *Incontinens* in tacendo. *Incompoſitus* in moribus. *Importunus* & inordinatus in auribus & agendi temporibus. *Effuſus* ſuper cibum. *Impotens* in paſſionibus. *Surdus* ad DEI Verbum. *Velox* ad quietem. *Tardus* ad laborem. *Vigilans* ad fabulas. *Somnolentus* ad vigilias Sacras. *Feſtinus* ad finem. *Vagus* ad attendendum. *Negligens* & diſtractus in horis Canonicis perſolvendis. *Tepidus* in celebrando. *Aridus* in Communicando. *Cito* diſtractus & effuſus. *Raro* plene recollectus. *Vix unquam* præſentiæ Tui memor. *Facilis* ad iram & aliorum cenſuram atq; diſplicitiam. *Tro-nus* ad iudicandum. *Rigidus* ad arguendum. *Incautus* ad ſcandalum tam activam quàm paſſivum. *Debilis* in adver-

sis. *Multa* proponens bona, pauca ad effectum perducens. *Vix* in aliquo benecepto perseverans. *Gratia* tuæ motibus inobediens. *Beneficijs* tuis ingratus. *Voluntatem Tuam* bonā beneplacentē, & perfectā sciens, sed non faciens *In mala* sæpè recidens. *Mea culpa* &c. *Indulgentiam* &c.

Facta Confessione coram DEO, elices actum Contritionis, satisfacies panis internis externisq; juxta solitum.

OBSERV: VI. *Institues Meditationem vel saltem praxim ejus leges ex Hebdomadis Liturgicae die quæ acciderit simul affectus tam Sacri totius, quàm consecrationis, elevationis & communionis providebis*

OBSERV: VII. *Apprehendes vivacissimè Sacri & Communionis, hoc est Divinissimi operis Dignitatem, Majestatem, Naturam. exigentiam. Tuam contra, quod illud peracturus es; Indignitatem Mendacitatem Inhabilitatem*

O Domine Te Tibi sacrificaturus sum; pro quàm Divinum opus! quàm sublimè! quàm excelsum! quàm Seraphi-

eis humeris formidandum! Quis Dignitatem, quis Majestatem, quis naturam ejus operis capiat? pro! quantam præparationem? quantam dispositionem? quantam capacitatem; quam Seraphicam? quam Marianam, quam Theandricam, Sanctitatem? In me autem, quid proportionis, quid dispositionis est præter solam indignitatem, inhabilitatem, insufficientiam, mendicitatem, omni capto & sensu meo majorem? & tamen sacrificandum est!

OBSERV. VIII *Excitabis inte sum-
mam famem exaltandi DEUM summè
Quod nequit fieri aliter, quàm Sacrificio
in o dignissimo.*

O Fames! fames, fames! Esurio Domine, esurio! & famelicissimè cupio, sitioque sumimâ fame ac siti, Te DEUM exaltare summè & superlunimè, id est, Sacratissimi hujus Sacrificij honore.

OBSERV. IX *Excitabis etiam in te famem Christi Domini, uniusque tunc cum ipso: quæ etiam melius non fit, quàm in hoc Sacramento.*

O Dulcis JESU; dulcis & solus unusq;
cibus Animarum? Ecce famelicit, ec-
ce non solum pasci, non solum cibari
sed etiam saginari concupiscit de Te ani-
ma mea Veni ergò mi JESU, & uni Te
mihî; Converte mihî æternaliter per hoc sa-
cratissimum Sacrificium cum hoc & per
hoc excellentissimum Sacramentum.

OBSERV: X *Excitabis in te famem
saginandæ Animam tuam, omnibus bo-
nis Christi; imprimis ipsomet Christo, pro-
pter Christum.*

Vides mi JESU, vides Dulcissime Rex
& Domine, & DEUS, vides extre-
mam paupertatem, mendicantem, rudie-
tatem meam, Abyssalis & inexpleta vo-
rago sum. Tu contra abyssalis opulencia
& plenitudo, & redundantia es: influe
ergò in me & reple me & sagina me im-
mensitate bonorum Tuorum. Ecce mi
JESU patet ecce hiat, ecce famelicissi-
ma esurit atque sitit te, totâ se, anima
mea: ergò illam extatiam, ergò illam sola-
gina bonis tuis, donis tuis, divitiis tuis,

quæ non sunt aliæ, præter ipsum, unum
& solum Te. Veni ergò, veni in me, ve-
ni ad me, veni totus, veni non mihi,
sed Tibi, veni salutis meæ, sed gloriæ, sed
voluntati Tuæ.

OBSERV: XI. *Propones explere gu-
stum Dei hoc Sacrificio, tam ex opere ope-
rato quàm opere operantis, non tantum in
Christi, sed etiam in tuâ personâ.*

VOlo, desidero, propono, Tuum Ô
DEUS explere gustum hoc præienti
Sacrificio tam ex opere operato, quàm
operantis, tam in Christi, quàm in meâ
personâ propter Te.

OBSERV: XII. *Propones juvare o-
mnem Ecclesia Militantis partem nec non
Animas in purgatorio: tum etiam omnes
necessitates tuas, Mundique totius, juxta
mentem DEI, per Sacrum tam præsens,
quàm omne aliud sequens, non modò tu-
um sed etiam alienum. quantum ex te.*

PROpono juvare apud Te Domine o-
mnem Ecclesiæ Partem etiam in pur-
gatorio patientem, propono juvare o-

mnēs

innes necessitates meas, totiusque mundi, juxta mentem Tuā. per hoc Sacrum tam præiens, quàm omne aliud lequens, tam per alienum, quantum ex me propter Te.

OBSERV: XIII. *Propone præsentí devotione & fervore evincere, omnem præteritam devotionem. Imò actualiter excitabis in tè omni Mentis Voluntatisque conatu majorem, quàm unquam, nullies infinitum ac immensum devotionis fervorem, quo evincas omnem tuum alienumq; fervorem, obtinea que dispositionem cordis. Nunc tempus est mi JESU inflammare me igne Charitatis Tux, quia frigidus, quia tepidus sum nimis.*

CUpio & propono Domine præsentí fervore. quo ad hoc Sacrum accedo, evincere omnem præteritam devotionem & dispositionem meam & alienam. Ideò toto totius mei conatu, toto omnium Electorum, & P. Parentis & Tuo Theandrico fervore, ferri & disponi ardeſco, tam ad hoc, quàm ad omne Sacrum, ejusque fructus obtinendos augem;

dos que porpter Te.

OBSERV: VI *Assumes induesque tibi omnia merita; gratias; Virtutesque Christi, P. Parentis, omniumque Sanctorum, Electorumque. Assumes item omnes omnis creature etiam damnate, potissimum autem Sanctorum Martyrum passiones atque actiones, dignificando eas in Christo ad supplementum omnis nuditatis, paupertatis, arditatis & tepiditatis tue coram DEO. Dices ergo cum omni reverentiâ & ardore:*

Nunc tempus est Domine JESU. nunc est tempus ornare me gratijs, meritis virtutibusque Tuis, & Matris Tue, & Electorum Tuorum &c. quia pauper & nudus & miser & miserabilis sum nimis, sine Te, coram Te Vilis & abjectus nimis.

OBSERV: XV. *Dilatabis & ditabis Animam tuam, desiderijs intentionibus, propositisque quàm plurimis & vastissimis, ut tantò fiat capacior, ad ampliora à Christo cum ipso Christo capienda.*

Dulcissime, Amabilissime JESU toto
me

me & Te, volo qualibet quidem actione
& Passione mea, sed speciatim hoc sacri-
ficio & Communione presenti, cui nunc
intendo & me devoveo, reddere, Patri
æterno gloriam, reverentiam, gratiarum
actionem, satisfactionem, gustum, dele-
stationem, & dilectionem infinitam.

Volo eidem reddere, par pretium,
præmiumque pro omni bono, & gratia
ejus mihi & omni creaturæ, omnibus
electis ac nominatim Tux Theandricæ
Humanitati, ejusque P. Parenti, nomi-
tim etiam pro omni Sacramento sumpto,
sacrificioque facto, fructibusque colla-
tis conferendisque in æternum.

Vo o facere memoriam & repræsen-
tationem tuæ Mortis & passionis.

Volo Te facere mihi, & Ecclesiæ Tux
præsentem ut sponsam.

Volo Te recipere in fontem, pignus
& arrham, gratiæ, meriti, dulcedinis &
felicitatis, gloriæq; æternæ.

Volo Te sacrificare & lumere ad ma-
jorem Nominis Tui honorem & glo-

nam; ad omnimodum cordis Tui gaudium & metibi unendum, Tibique tradendum per Te propter Te.

Volo Te mi JESU immolare, & sumere ad hoc, ut per præsentiam & unionem Sanctissimi Sacrificij, Sacramenti-que Tui, liberer ab omnibus malis Corporis & animæ, quibus premor, & quæ mihi pro peccatis meis debitè ingruant juxta voluntatem Tuam.

Volo mi JESU Te Sacrificare. & manducare, ut de liberalissimà manu Tuâ accipiam donum puri Cordis, casti Corporis, Orationis, & Contemplationis, Humilitatis, Mansuetudinis, Patientiæ, Modestix, Paupertatis, Obedientiæ, Resignationis, Donorum & fructuum Spiritus Sancti, Fidei, Spei, Charitatis, pietatis, Religionis,, Prudentiæ, Justitiæ Fortitudinis, Temperantiæ, Spiritûs Societatis, Professionis meæ.

Volo mi JESU sacrificare, & manducare Te, ut Ecclesiæ, Societati, Regno, Civitati, loco isti, omnibusque alijs, qui-

bus Tu scis, & vis, Tuam singularem
protectionem impetrem. Ut juvem pro-
ximos meos, tam vivos, quàm Defun-
ctos, præsertim, qui mihi cōmēdati sunt,
vel esse debent, quique sunt Tui in me,
mei in Te, prout Tu scis & vis. Ut con-
sequar indulgentias ex Thesauro Ecclē-
siæ concessas Religioni, & alias quasli-
bet, quarum capax sum.

Volo mi JESU immolare & sumere
Te, ut spiritum in me languentem, & re-
pentem excitem, & calefaciam, ut ex-
gua valdè merita mea, dona scilicet tua
cumulem; infirmam virtutem meam con-
firmem, ut transformetotus in Te, Tu-
que maneat & vivas in me, & ego sim
alter Tu, Ut Spiritum Tuum, præsertim
Charitatis, Humilitatis, Obedientiæ, so-
cieratisq; Tuæ imbibam.

Volo mi JESU immolare & sumere
Te, ut pro inimicis, æmulis, Ingratis me-
is, tam communibus, quàm privatis; item
que pro Amicis, & benefactoribus me-
is communibus & privatis; itemque pro



Patribus filiis que meis in spiritu, & Amicis meis in Te: itemque pro ijs quibus quocunque modo vel nocui vel debitor sum, aliquid maxime dignum, gratumque tibi offeram, & gratiam tuam copiosam efficacemque illis à Te impetrem.

Volo mi JESU immolare & sumere Te, ut officiorum, propositorum, negotiorum, necessitatum, votorum meorum, felicem successum à Te obtineam.

Volo mi JESU immolare & sumere Te, ut finalem in bono perseverantiam, perpetuamque, patiendi pro Te Voluntatem & famem, materiam quoque & me contemnendi copiosam & gratam fegetem, zeli etiam pro Tua gloria Animarumque salute promovenda, inexplebilem sit in, gratiâ crescentem temper fervoris in vita & morte, denique Sanctam & tibi placitam & ab omni obligatione, culpæ & pœnæ immunem, Sanctorum in Societate JESU mortem, ab æternâ Charitate Tuâ, virtute sacrificij & Sacramen-

eramenti istius, postulemarq̃ et impetremus
propter Tuum, nec non Sanctissimæ Tri-
nitatis gustum æternalem, Amen.

OBSERV. XVI. *Facies disciplinas spi-
rituales sive Actus Animam conterentes.*

Dignissime, eminentissime, superaltis-
sime DEUS, Tibi, uni, soli, semper
omnis exaltatio, omnis gloria in æter-
num & ultra, à me & omni creaturâ,
Omnibus autem creaturis tuis, Tua bo-
nitas, Dilectio, Beneficentia, Protectio,
Gratia & Beatitude.

Mihi verò uni, soli semper omnis Ab-
jectio, Derelictio, Detestatio Reproba-
tio, Damnatio, Infernus quia Tibi DEO
meo Maximo, Dignissimo, Optimo,
peccavi soli nimis in vita mea.

Propter quod omni gratiâ, amore &
veniâ sum indignissimus: omni autem
odio, detestatione, irâ, furore, derelictio-
ne, damnatione, sum dignissimus. Ideo
etiam infernus domus mea est. infernus
possessio mea est, inferni possessor sum,
inferni hæres & inhabitator sum unus,
solus, semper.

Quamvis aurem ego multa nimis cō-
misi unde in te justissimè damnare potes
& debes; quia tamen Tu non am'isti,
unde salvare misericordissimè soles, id-
circo de profundis clamo ad; Te: Misere-
re mei DEUS secundum magnam mise-
ricordiam Tuam, & secundum multitu-
dinem miserationum Tuarum, de te int-
quitatem meam, quam ego confiteor
coram Te: omnia scilicet & singula pec-
cata mea, cordis, oris, operis commis-
sionis omissionis, aliena, detr:iones,
scandala, mendacia, detestationes, deli-
cta juventutis & ignorantias, inconstanti-
as & tepiditates.

Pro quibus omnibus toto me doleo
propter Bonitatem, Dignitatem, Chari-
tatem Tuam, propter vilitatem, malitiam
& ingratitudinem meam. Et trado me to-
tum voluntati justitiæ & miserationis Tux
Fac mecū voluntatē justitiā & misratio-
nē Tuam sicut potes & vis. Et utere me
ad humiliandum me. ad exaltandum Te val-
dè; Sicut uteris Te ad humiliandum Te,
& exaltandum me valde.

Fac

Facies prætereà & hæc.

1. Agnosco & confiteor omnia peccata mea coram Te DEO meo, & Sanctis & creaturis omnibus.
2. Confundor & erubescō Domine coram Te: ut prodigus, ut Magdalena, ut Petrus.
3. Accuso & exaggero scelera mea ex infinita Majestate Tuâ & vilitate meâ. Quis enim es Tu Domine? & quis ego sum?
4. Exprobro & impropero mihi malitiam & ingratitudinem meam in Te DEUM meum.
5. Non est quid respondeā Tibi Domino exprobranti: hæc ego tibi, & tu hæc mihi?
6. Peccavi Domine, peccavi Tibi soli, uni, infinito: idcirco ipse me judico & universalem planctum, totâ substantiâ meâ, omnibusq; viribus meis coram Te facio de peccatis meis.
7. Non est Domine non est opus, ut Tu condemnes me; ego sum qui peccavi, ego qui malum coram Te feci, Ego ipse

ipse sum, qui me ad omnem inferni portam condemno, quam ipse unus exhaustire sufficio.

8. Pero quidem Domine: quin & per gratiam Tuam & Christi Sangvinem peto veniam, attamen revera illam nullatenus mereor.

9. Humilio me, vilifico, annihilò coram Te infra omnem creaturam, infra omnes damnatos, infra omne nihilum.

10. Ah! quomodo non timebo Te Domine, qui terribilis es in consilijs, super filios hominum; qui respicis peccatores & non sunt.

11. DEUS propicius esto mihi peccatori: peccavi enim in cœlum & coram Te Pater.

12. Deprecor justitiam tuam Domine, & misericordiam tuam implo ro tota me.

13. Merita & dignationes IESU Christi induo. & allego pro me. Respice igitur Domine in faciem Christi Tui & super animam meam, pro qua Dominus noster mori dignatus est.

14. Fiat Domine, fiat voluntas Tua,
in me, de me, sicut in celo, ita & in
terra.

15. Paratum cor meum DEUS, para-
tum cor meum.

16. Tota plenitudine charitatis, Te
DEUM meum exalto, magnifico, amo,
omnibusque atomis meis charitatem ex-
plodo in Te: omnesque atomos me im-
pleo.

17. Corpore & Anima & personâ, to-
to me, prosterno me, coram Te Do-
mine, & coram Christo Tuo, & Preti-
osissimâ Parente, & Electis omnibus &
coram omni creatura propter Te.

18. Gaudeo Domine toto me, de omni-
bus bonis Tuis, cupioque Tibi quàm
optimè propter Te per Christum Do-
minum nostrum.

19. Gratias ago Tibi Domine toto me,
pro omnibus & singulis beneficiis Tuis
mihi & omni creaturæ, usque ad sanctis-
simam JESU Christi Humanitatem præ-
stitis & præstandis per omnem æternita-

20. Toto me, toto Te, gloria Tibi Sancto, per Christum Dominum nostrum. Sicut erat in principio &c.

21. Sanctissima Trinitas, Pater, Fili, Spiritus Sancte DEUS, unus, solus, verus, semper tota me, totis universi atomis, Te amo, Te adoro, benedico beatifico, concupisco, clarifico, dignifico, diligo, deifico, Divino, aestimo, exalto, felicitio, gratias ago, gaudeo, gratulor, glorifico, honoro, immensifico, laudo, magnifico, minifico, majestifico, omnifico, potentifico, pulchrifico, prädico, rectifico, regnifico, sanctifico, sublimifico, sapientifico, totalifico, vivifico, volo, zelo, propter Te, ut sis id quod es quia es id quod es, miserere mei, sicut potes, scis, & vis, & utere me ad humiliandum me

OBEERV: XVII. *Invocabis dilectos ad hanc rem pro tuo gustu s. Patronos ut juvent, ornent te dignè Sacrificio. hoc fere modo, adjuncta mortificatione exter*
Uc.

Omnes

OMnes Sancti Patroni Sacrificij atque
Sacramenti, adeste mihi in Sacrificijs
& Communionibus meis.

Sancte Michæel SS Septem Spirituum
Principes. S. Ioannes Bapt. S. Ioseph
S. Petre S. Paule S. Andrea S. Ioan-
nes. S. Ioachim S. Lazare S. Onuphri
S. Benedicte S. Dominice S. Francisce
S. P. Ignati S. Francisce X. veri S. N
Patrone Menstrue S. Thoma Aquinas
S. Bonaventurá S. Francisce Borgia S.
Aloyfi S. Stanislæ Kostka. S. Angele
Custos. Sancta Anna. S. Martha S. Ma-
gdalena S. Susanna S. Ioanna S. Barbara
S. Catharina Senensis S. Clara S. Eva-
S. Juliana S. Tereffia.

Sancti hodierni Menstrui, Annui, Men-
tis, Corporis.

Sancti Patroni & Angeli Studiorum.

SS. Angeli Custodes, Templi, Sacra-
menti, Altaris Domus.

SS. Templi, Altarium, Missalis.

Sancti quorum Reliquiæ sunt in Tem-
plo, Altari, Domo.

Sancti

Sancti Patroni mei & domesticorum;
Sancti Societatis IESU.

Sancti Amatores Increate Incarnatæq; Sa-
pientiz.

Sancti Amatores Crucis.

Sancti Amatores pretiosissimæ Parentis.

Sancti Angeli Purgatorii. Sancti tres Re-
ges. Sanctæ Virgines. Sancti Cultores San-
ctissimi sacrificij atque Sacramenti.

OBSERV. XVIII. Petes gratias
ornatum à SSS. Trinitate.

A Patre aeterno.

AD gustum & Consolationem Sanctis-
simæ Trinitatis, peto à te ô Pater
æterne DEUS: ut des mihi cum eo af-
fectu, cum cæque celestium donorum
copiâ nunc & semper Sacratissimum My-
sterium Missæ offerre, Eucharistiam que
conficere & denique Christum Domi-
num recipere, quo illum Pretiosissimæ Vir-
gini Parenti, & per illam universo hu-
mano generi in Incarnatione dedisti,

A Filio.

AD gustum & consolationem Sanctis-
simæ

summe Trinitatis, peto à te ô Fili Redemptor mundi DEUS, ut de s mihi cum eo affectu Te conficere, offerre, suscipere, quo tu ipse te in ultimacœna confecisti, in ara crucis obtulisti in Incarnatione Pretiosissimæ Parentituz suscipiendū dedisti, atque tam eidem quàm Apostolis tuis te in Eucharistia manducandum tradidisti.

A Spiritu Sancto.

AD gustum & consolationem sanctis summe Trinitatis, peto à te ô Spiritus sancte DEUS, ut mihi tam mundum cor atque corpus efficias propter Divinissimum Sacrificium offerendum ac recipiendum, quam mundum, purum, atque dignum effecisti in Virgine Sacratissima MARIA, quando illa Verbum æternum ex eptura, atque purissimorum viderum suorum sanguine humanòque corpore fuerat indutura, ipsumque in Eucharistiæ Sacramento manducatura.

OIESU summe Sacerdos adsis & benedic mihi in SSmi Sacrificij oblatio-
ne

ne, Sacramentique sumptione. Regina
Sacerdotum adhs mihi. & omnes Ss Sa-
cerdotes adeste mihi. & benedicite. San-
cte N. juva & benedic &c.

OBSERV: XIX. *impersonabis te tota
rerum universitati, omnibus Electis, P. Pa-
renti, Christo, & ipsi SS. Trinitati, sic.
que totalisatus & totus procedes ad Sacri-
ficium & Communionem, totamque omni-
tudinem tuam effundes. in amorem, affi-
mationem, laudem, exaltationem, gratie-
rum actinem, in gultus & voluptatis Di-
vina exsurationem.*

Ignitissime, Immenissime DEUS, omni-
tudinem Tuam, omnitudo mea, omni-
tudine creatâ, seraphicâ, MARIANA,
Christi. amat, adorat, benedicit, digni-
ficat, exaltat, glorificat, honorat, inten-
dit, ignitissime intentissimè, intensissimè,
laudat laudabilissimè, magnificat magni-
ficentissimè; reveretur reverentissimè, si-
tit sitibundissimè; saginat saginatissimè,
sapit sapidissimè. tenet tenacissimè, tra-
dit totalissimè, vult validissimè, voluntar-
tissime,

issimè, vehementissimè, zelat zelosissimè.
concupiscit omnem concupiscibilitatem
Tuam, dat, donat, dedicat, gratias agit,
gaudet gratulatur, sese formandam, fin-
gendamque tradit, sese humiliat, subdit
vilificat, voluntarijssimè, vilificauissi-
mè, verissimè.

OBSERV: XX. *Curre ad Sacrificium
& Communionem, anhela & estuante
DEiformi Spiritu, sicut festinat cervus
ad fontem aquarum: oculus ad lucem, in-
fans ad mamillam saguta ad scopum, la-
pis ad centrum, famelicus & sitiens ad ci-
bum & potum, avarus negotiator ad opes
& lucrum, ambitiosus ad honorem, vena-
tor ad prædam. Infirmus ad sanitatem,
navis secundo vento ad portum, anima ad
cælum Beatus ad Deum.*

OBSERV: XXI. *Æternam Incarna-
tam Sapientiam adorabis &c.*

Æterna Sapientia DEus Homo, Ho-
mo DEus Christe Iesu, cum Soci-
etate Tua Seraphica universa. amo Te,
adoro Te, offero me Tibi, confiteor Te,
& me

& me coram Te, trado in mancipi-
um & servum & amatorem voluntatis
& voluptatis Tux, æstimo & exalto &
appretio, & dignifico Te, Seraphicè,
Marianè, Theandricè, DEI ficè semel
pro semper in æternitatem. Ad saginân-
dum gustum Tuum in me, meum in Te,
toto me, propter Te. O Verbum In-
carnatum CHRISTE IESV, Sapiencia æ-
terna DEUS meus & omnia.

OBSERV: XXII. *Conaberis omnia,
ante, inter, & post Sacrum maximè fer-
venti conatu peragere ut omnis tuus ani-
ma Corporisque motus sit heroico Spiritu
animatus. Fiat meditatio per actus sequentes:*

Ergonè Sacrificandum est?

O Abyssum Amoris! Amativitatis, Ad-
mirationis; Amabilitatis, Ardoris, Aut
daciæ, Appetentiæ, Almonix, Amici-
tiz!

O Abyssum, Bonitatis, Benignitatis,
Beneficij, Benedictionis, Beatificationis,
Beatitudinis, Boni!

O Abyssum Charitatis, Communica-
tionis



tionis, Convivij, Cibationis, Clementiæ,
Contentationis, Conversationis, Capacitatis.

O Abyſſum Dignationis, Deſcenſusq;
DEI, Dignitatis meæ: Doni, Debiti,
Devotionis, Deſiderii, Dulcedinis, Delectationis, Dominiij, Deificationis!

Ergò Sacri ſcandum eſt?

O Abyſſum Exaltationis, Exultationis
Æſtimationis, Eviſcerationis, Exinaniti
onis! Æſtuationis, Exauditionis;

O Abyſſum Fidei, Fidelitatis, Felicitatis,
Familiaritatis, Famis, Ferculi, Feracitatis,
Fæcunditatis, Fiduciæ, Fervoris
Flammæ!

O Abyſſum Gratiæ Gloriæ, Grati
tudinis Gloriationis, Gaudiij, Gratiarum
actionis, Guſtationis!

O Abyſſum Humilitatis, Humânitatis,
Hoſpitalitatis, Honoris, Honorationis, Heroicitatis,
Hæreditatis!

Ergò Sacrificandum eſt?

O Abyſſum Incarnationis novæ, Incontinentis Bonitatis, Indulgentiæ Impe

D

rij

rij, Jucunditatis, Indivinationis, Innocentiae, Iustitiae. Immolationis, Iubilationis, Impotentiae, Invitationis, Ignitionis, Immutationis!

O Abyssum Lautitiae, Liberalitatis, Lætitiae, Laudationis. Libertatis, Licentiae;

O Abyssum Mysterij, Miraculi, Missionis, Majestatis magnae, Meriti, Mandati, Mercedis, Mercis, Ministerij, Magnitudinis, Mansuetudinis!

O Abyssum Novitatis, Nativitatis, Nutrimenti, Necessitationis, Nobilitationis, Nundinationis, Negotiationis, Negotij, Necessitudinis!

Ergo Sacrificandum est?

O Abyssum Operationis, Obedientiae, Orationis, Optabilitatis. Omnipotentiae, Operis, Oblationis!

O Abyssus Pietatis, Potentiae, Pignosis, Praesentiae, Patientiae, Pacti Puritatis, Pacis, Perseverantiae, Postulationis, Possessionis Pretij!

O Abyssum Quæstuositatis, Quietis!

O Abyssum Reverentiae debitaë, Ruditatatis

ditatis, Rusticitatisque mez, Ruinae in-
dignorum, Reparationis, Remunerationis-
que bonorum, Rogationis, Resignationis!

Ergò Sacrificandum est?

O Abyflus Sanctitatis, Sapientiae, Ser-
vitutis, Societatis, Sacrificij, Spei, Sub-
limitatis, Sinceritatis, Saturitatis, Sacra-
menti, Salutis, Stipendij!

O Abyflum Tractationis, Totalitatis,
Timoris, Traditionis, Tentionis, Tene-
ritudinis, Tutionis, Thesauri, Thesauri-
zationis!

O Abyflum Vitae, Veritatis, Veracita-
tis, Voluptatis, Verecundiae, Venerationis,
Valoris, Viatici, Voluntatis, Vena-
tionis, Unionis!

O Abyflus Zeli gloriae, Zeli Amori-
s, Zeli Salutis, & Salutationis!

*In his omnibus licebit tantum mora-
ri, quantum tempus & devotio
permittet.*

OBSERVATIO I.

INTER SACRUM

DEscendes ad Sacrarium, depositis o-
D 2 mnibus

in omnibus prorsus curis: imò te ipsum quasi exutus, sciens & cogitans te in hac hora nihil nisi Sacerdotem esse: jam jam ire ad parandam totius mundi causam coram DEO, ad tractandum cum DEO, in conspectu Calis totius. Hæc ergo cogitabis inter eundem: vel etiam repetes in via actus, ad æternam Sapientiam, sive famis Christi, sive invocationis Patronorum Sacri.

II. In Sacrario omnia ages cum suis orationibus, attentè, sine præcipitatione verborum, manuum abluitionem. &c.

III. Expectans egressum ad Templum (quem semper curabis potius quàm ut expecteris) totus alteraberis in DEUM, in Christum, in famam Sacrificij, Communionis.

IV. Pergens ad altare invocabis. P. Parentem oratione S. Bernardi: Per Te accessum habeamus; si vacabit, adde invocationes SS. Patronorum Sacri, vel Anima Christi. &c.

V. Collocans & apertans Calicem, Corporalis

porale, Missale aperiens; continuabis actus
omnitudoinis ex obser: 19. aut illos, Nunc
tempus est Domine IESU, ornare me.
Obser. 14. Tunc Dices: DEUS in adju-
torium: propter Indulgentiam. Vovebise-
tiam hoc Sacrum facere.

*VI. In mora ante descensum, & in ipso
descensu ad dicendam Confessionem, petes
à Christo gratiam resolutionis ipsius Christi.*

MI IESU per illam generosissimam
Resolutionem Tuam, quâ Te resoli-
visti nobiscum esse, à nobis manducari,
in hoc Sacrificio ac Sacramento, peto à
Te, ut mihi meritum genorossimæ hu-
jus resolutionis communices: quô Te
quâm dignissimè immolare, manducare,
alijsque communicare valeam.

*VII. Flectens genu ad imum gradum an-
te Confessionis initium: profundissima tui-
ipsius reverentiâ & omni pleno fervore a-
dorabis SSS. Trinitatem & Christi Hu-
manitatem, ad dexteram DEI Patris con-
sidentem. Et similiter toto te in omni ge-
nu flexione facies.*

VIII. Confessionem totam dices affectu quo ab Ecclesia pramitti instituta est: Confiteor dices, ac si DEO presenti coram caelo & terra Sacramentaliter confitereris totam vitam tuam. Item Misereatur & indulgentiam, eodem affectu: oramus te Domine, dum oscularis Altare, Cervicem Domino, tanquam victima rationalis immolanda, pro honore, amore & dignitate & fide DEI sub altari pones. Quem ipsum sensum habebis in omni alia Altaris osculatione, dicens: hac vel similia:

En cervicem Domine, pro Fide, Amore, Voluntate, Dignitate Tua. &c.

IX. Kyrie eleyson: totius mundi miseriis Misericordiam DEI Patris, Filii, Spiritus S. invocabis.

X. Post Gloria in excelsis; suo affectu dictum, sive post Kyrie eleyson.. osculando Altare, petes dicendo: Benedic Pater æterne vires & opera, Filii Tui, servi tui, jumentique tui.

XI. Quoties dices: Per Dominum nostrum &c. toties Christum apprehendes velut Advocatum, Legatum, Con-

tificem, Patrem, Patronum, Medicum, Pastorem, Caput &c nostrum, & non tantum per ejus merita sed etiam per ejus Personam ipsum orabis.

XII. Dum post Evangelium aut Credo: altare oscularis, dices: Benedic DEUS VERBUM, Verba Filij, servulitui.

XIII. Post Offertorium Calicem disco: operiens dices: Omnipotentia, Sapientia, Bonitas, Providentia, Dignitas, Voluntas, Amor præveniens. Ecce ego & omnia opera mea, coram Te, non propter me, non propter consuetudinem, non propter alios, sed propter Te, & toto Te, DEVS meus & omnia, quia hæc est Voluntas tua & dignitas Voluntatis Tuæ.

XIV. Ante vel post oblationem Panis super patenam vel corporale: ponet Corpus, Animam, Personam tuam, Memoriam, Voluntatem, Intellectum, omnes tuos: & quidquid nominatim commendatum voles, & DEVS scit ac vult ex Personis vel negotiis necessitatibusque.

XV. Ante & inter infusionem Vini dices: Divinitas Christi, Vel. Toto me,

gloria Tibi Patri, & Tibi Filio, & Tibi Spiritui Sancto.

XVI. *Dum ante Orate fratres, oscularis altare, dices: Benedic Spiritus Sancte consilia & vota & cogitationes discipuli tui, servuli tui.*

XVII.

Post ultimā Secretā ante Per Omnia Sæcula; facies in te renovationem fervoris, devotionis, & omnium in preparatione gestorum Dicens Sursum Corda, Utraque manu mundum complexus totum elevabis e sua face, ad Deum rapies, feres, statues. Ad Gratias agamus, inclinabis reverenter caput, propter Indulgentiam, Praefationem totam & in specie Sanctus dices: nomine, affectu debito, celestium terrestrium & infernorum. In vivorum Memento, revocabis te ad factum ante Sacrum, specialiter ac nominatim quadam breviter commendabis.

XVIII. *Ante Consecrationem elicies affectum Consecrationis ex die liturgico qui inciderit. Deinde affectum ex sequentibus septem, pro ratione diei: Quem con-*
cludes

cludes semper immolatione Tui ipsius cum
Christo. Per manus ejusdem Christi, &
Pretiosissimæ Parentis & omnium electo-
rum & nominatim hujus diei Sancti.

DIE DOMINICA. Mi IESV illo affe-
ctu, quo Te Sanctissima Trinitas sibi
immolari voluit: & quo Tu Te Sanctis-
simæ Trinitati immolasti; hoc eodem af-
fectu ego Te Sanctissimæ Trinitati nunc
immolo & me Tecum per manus Tux
sanctissimæ Humanitatis, Pretiosissimæ
Parentis, omnium electorum Tuorum,
& nominatim per manus Sancti N.

2. FERIA 2. Mi IESV illo affectu
quo Te Pater æternus, sibi, Tibi, spiritui
Sancto immolari voluit, & Tu Te im-
molasti: hoc eodem affectu ego Te Pa-
tri æterno, Tibi & Spiritui S. immolo &
me Tecum per manus Tux sanctissimæ
&c.

3. FERIA 3. Mi IESV illo affectu,
quo Te Tibi, Patri, Spiritui Sancto im-
molasti, hoc eodem ego te Tibi, Patri,
& Spiritui Sancto immolo. Immolo &
ne &c.

4. FERIA 4 Mi IESV illo affectu,
quo te Spiritus Sanctus sibi, Tibi, Patri
æterno immolari voluit, & Tu Te im-
molasti; hoc ego eodem Te Spiritui San-
cto & Tibi & Patri æterno immolo. Im-
molo & me &c.

5. FERIA 5. Mi IESV illo affectu,
quo Tu te Sanctissimæ Trinitati in ulti-
ma Cœna immolâsti pro nobis: hoc eo-
dem, ego Te nunc eidem immolo. Im-
molo & me &c.

6. FERIA 6. Mi IESV illo affectu,
quo Tu Te Sanctissimæ Trinitati in ara
Crucis immolâsti pro nobis: hoc eodem
ego Te nunc eidem immolo & me &c.

7. SABBATHO. Mi IESV illo affe-
ctu, quo Te Sanctissima Trinitas sibi im-
molari voluit: quo Te eidem immola-
sti, quo SS. Parens: quo omnes electi
tui Te immolare voluerunt aut immola-
runt, hoc eodem Te ego eidem Sanctis-
simæ Trinitati nunc immolo. Immolo &
me &c.

XIX. *Exnunc à Consecratione usque ad
sumptio*

*sumptionem genuflectens latrice adorabis
presentem Christum in Sanctissimo Sacra-
mento.*

*XX. Ante Elevationem Hostia genua
latreuticè flectens commendabis instans
tua mortis:*

MI JESU instanti Mortis Tux & oi-
lim in Cruce peracta, nunc in Sa-
crificio representata, Instanti quoque
Mortis Matris Tux, omniumque San-
ctorum Tuorum, & in specie instanti SS.
N. N. instans Mortis meæ commendo.
Benedic isti per illa & propter illa.

*XXI. Ad Hostia elevationem elicies
affectum ex ase liturgico prout inciderit.
Item: Adoro Te latens Deitas.*

*XXII. Ante Calicis Consecrationem ra-
tificabis tuum testamentum: Mi JESU te-
stamentum meum pro me. ratum ha-
beo, illudque Sanguinis tui pretiosissimi
consecratione confirmo.*

*XXIII. Post consecrationem Calicis an-
te & in elevatione ejus dices.*

1. Pie Pelicane IESU Domine, me im-
mundum

mandum, munda tuo sanguine.

2. Mi JEEU fac me, sanguinem meum fundere pro Te. qui Tuum fudisti pro me.
3. Mi JESU accende me Amore Tui Seraphico, Mariano, Tuo, Cruciformi, incessabili.
4. Mi JESU Instanti Mortis Tux & Matris Tux & electorum Tuorum, Instans Mortis meæ commendo:
benedic isti per illa & propter illa, & fac me venire ad Te ut cum SS. Tuis laudem Te in sæcula.

XXV. *Signans Te ac dicens: Omni benedictione; addes: & gratia in tota laetitudine & capacitæ nostra repleamur, & interim aperies dilatabisque totam substantiam Tuam in flar universi eamque gratijs ex DEI manibus & Sacrificio Christi manantibus suppones, ut totus implearis finaliter.*

XXV. In memento mortuorum: *re-
voca Te ad solitum: & breviter ad pro-
prium Mortuos commendatos, hic sepultos,*

tuos & nominatim, pro quibus orare intendis, quos praeordinavit DEUS per N. S. juvari, pro quibus orare debes & intendis, pro quibus orares si mortuos scires pro quibus DEUS peculiariter vult & scit orari.

XXVI. Dum facis super Hostia Cruces, inter Galicem & pectus dicens: est Tibi DEO Patri, resera Cor Tuum & omnia interiora Tua Sanctissima Trinitati.

XXVII. Dictis illis verbis: Omnis honor & gloria, addes: omnis ignitissima, Seraphica, Mariana, Christiformis dilectio, gratiarum actio, Saginatio, exaltatio: omnis profundissima (Coelestium super Caelos omnes) exaltatio.

XXVIII. Orationis Dominica singulas partes dices peculiari reflexione & affectu: intendens ea omnia impetrare. (Tibi, Tuis, Ecclesiae) quae Christus illi oratione complexus est.

Pater noster qui es in Caelis. Affectu, Filialis (Christi), fidei erga Patrem tam bonum & dignum. Toto Te: toto

me. Sanctificetur Nomen Tuum. Desidera glorificationem DEI plenam & dignitati ejus adæquatam inter & apud creaturas.

Adveniat Regnum Tuum. Dilata paulò amplius manus & cor: quasi amplexurus desiderio Regnum DEI in omni creaturâ nomine ejusdem creaturæ. *Fiat voluntas Tua.* Adora hæc dicens, Voluntatem DEI & tam Corpus quam Animam, cum omnibus utriusque viribus ac potentiis eidem substerne.

Sicut in Cælo. & in terrâ. Applicabis hæc variè v. g. Sicut in cælo Cordis Divini & in decretis voluntatis ejus, sic & in te, in omni creaturâ.

Sicut in IESU Christi corde, Humanitate, sic & in te.

Sicut in Pretiosissima Parente Virgine MARIA, ita & in te.

Sicut in Beatis & Electis & in Sancto N. ita & in Te. & omnibus superterram degentibus, in omnibus terrena desiderantibus.

Panem

Panem nostrum quotidianum. [Intellige;
Dignificationis Tuæ, Dignationum Chri-
sti, Sacrificij, Sacramenti, Orationis,
Crucis, lingvarum, gratiarum cælestium]
da nobis & hodie.

Et dimitte nobis debita nostra, Sicut &
nos, Te DEO nostro teste & dante, di-
mittimus debitoribus nostris ex corde de-
bita nostra omnia in æternum.

Et ne nos inducas in tentationem, in qua
sadamus & Te offendamus!

Sed libera nos à malo, Præsertim spiritua-
li culpæ & pœnæ, quo potes, scis, & vis,
Amen.

XX X Dicto: hæc Commixtio, *subi-*
des: Mi IESU me & omnes meos, quos
Tu scis, vis, immergo in Sangvine Tuo,
perface me, Tibi in munus æternum.

Mi IESU per pretiosissimum Corpus &
Sangvinem Tuum, da mihi gratiam Con-
Donum N. N. fructum Spiritûs Sancti,
omnis gratiæ, quam scis, & vis, & potes,

XXX. *In secunda oratione ante Com-*
munionem. dictis illis Verbis: & fac me
tuis

tuis inhærere mandatis, & à Te [*sub.*
junges? atque à Tuâ Sanctissimâ Voi-
luntate, eminentissimâ Dignitate, igni-
tissimâ & incessabili Charitate nunquam
seperari permittas.

XXXI *Post tertiam Orationem subdes*
has postulationes.

Domine DEUS meus per Pretiosissi-
mum Corpus & Sanguinem Tuum,
per omnem Cordis tui Bonitatem. &
per omnes Viscerum Tuorum miserationes,
peto à Te, ut des mihi, meis o-
mnibus, Charissimo, N. N. Parentibus,
Superioribus, Fratribus carne & spiritu,
Consanguineis meis penitentibus meis
præteritis, præsentibus & futuris, gratias
tuas congruas, frequentes, efficaces, fi-
nales, des N. N. finalem penitentiam,
da benefactoribus nostris N. N. loci hu-
jus, Provincialibus, Generalibus, tem-
poralium sufficientiam, & Spiritualium
abundantiam, da mihi Officiorum & ne-
gotiorum & necessitatum, finalem soli-
cemque successum: da finalem perseve-
rantiam

tantiam in gratia, & mortem Sanctam:
 gratiam da Indivinationis, Puritatis, da
 mihi & toti mundo notitiam Tui & sui
 & Orationis, da repressiōem spiritus
 mundani & fornicationis, da mihi [*hec
 dices genuflectens*] ut possim fundere san-
 guinem meum pro Te, qui Tuum fudi-
 sti pro me, dā mihi amorem inimico-
 rum meorum, utere illorum lingvis, ca-
 lamis, judiciis, censuris, ad humiliandum
 me, ad exaltandum Te, da mihi per pre-
 ces illorum, meritis precibusque Tuis
 conjunctas, commutari in virum Volun-
 tatis Tuae, da mihi hoc presenti munere
 defungi, ad puram gloriam Tuam, ad
 puram confusionem meam. Denique da
 mihi & inimicis meis, gratias & miseri-
 cordias, quas potes, scis, & vis, da mihi
 augmentum amulorum & ingratorum
 & inimicorum meorum, da mihi lin-
 gvas & calamos & ingrati tudines mer-
 cedem meam, da mihi panem meum
 quotidianum, Orationis, Sacrificij, Sa-
 cramenti, lingvarum & benedictionum

Tua;

Tuarum &c. Panem Caelestem.

XXXII, Domine non sum dignus; *dices uno ex septem affectibus per singulos dies.*

1. Affectu refugientis resistentisque humiliter & reverenter, Domino intrare volenti, ut Centurio.

2. Affectu deprecantis ingressum Domini ad te, ut Petrus.

3. Affectu admirantis Dominum ad te intrare volentem, ut Elizabeth.

4. Affectu dissuadentis, & indignitatem facti, Domino dignissimo intrare volenti proponentis, ut Joannes Baptista.

5. Affectu protestantis toti creaturae, quod sis Domini ingressu indignus, quodque tibi vis ab illo fiat.

6. Affectu fatentis quidem indignitatem ingressus Domini, permittentis tamen immo & optantis ingressum.

7. Affectu ostendentis tanto labore opus non esse Domino; ut ad te veniat: ut pote qui unico verbo totum salutis negotium absolvere possit. *Ignescas amore, desiderio, reverentia totus. Post*

Post quam tertio dixeris: & sanabitur anima mea, subdes: quæ Te, totâ te credit, amat, agnoscit, adorat, benedicit, concupiscit ardescit.

XXXIII. Dicto: Corpus Domini nostri IESU Christi &c. *dices: Omnium Sanctorum, omnium Angelorum, omnium Cherubimorum, omnium Seraphimorum, supremi Seraphim, Societatis æternæ & increatæ Sapientiæ, Pretiosissimæ Parentis Tuæ, mi JESU Sanctissimæ Humanitatis affectu, Te hic præsentem credo, amo, æstimo, adoro, desidero, recipio, toto me, toto Te.*

Mi JESU offero Tibi hanc Communionem, pro necessitatibus meis naturalibus, corporalibus, personalibus spiritualibus, temporalibus, officialibus, pro Animiabus, multum auxilio tuo indigis, da illas mihi frequenter, suaviter, efficaciter, humiliter, juvare omni meliori modo, sicut, potes, scis, & vis. Offero etiam Tibi pro omnibus necessitatibus, quibus tu scis, & vis.

Mi

MI IESU tota vilitatis; miseræ, mendicitatis, peccaminositatis meæ abyssis, totis abyssis Charitatis meæ, abyssis Charitatis Seraphicæ; Marianæque, Societatis, totis abyssis Charitatis Pretiosissimæ Parentis, & Tuæ Theandricæ, Te credo, amo, æstimo, adoro, desidero, recipio.

Nunc tempus mi IESU, nunc tempus ornare me, meritis & gratijs. & virtutibus Tuis, & Matris Tuæ, & omnium Electorum Tuorum dignè Tè, quia pauper sum, vilis & abjectus nimis.

Nunc tempus est mi IESU, dilatare me latitudine Divinitatis Tuæ, Humanitatis Tuæ, pretiosissimæ Parentis, & omnium Electorum Tuorum, quia angustus sum nimis:

Nunc tempus est mi IESU, inflammare me igne Charitatis Tuæ, Pretiosissimæ Parentis, omniumque electorum Tuorum, quia frigidus, tepidusque sum nimis.

O ignis, qui semper ardes & nunquam extingueris? &c.

Ex

Excitabis etiam in Te affectum Communionis ex die liturgico qui inciderit. ac demum Sanctissimum Sacramentum sumes.

XXXIV. *Sumptâ Sanctissimâ Hostiâ sub specie Panis, in singula momenta curabis crescere in affectu fidei &c. pro inde dices assiduo: Credo. amo, adoro, desidero, recipio; repetens iterum iterumque affectu millies millies magis excrecente. Vel certè alium similem affectum progressivum excessivumquè exercebis, per rationem saltem, si non licebit persensum etiam.*

XXXV. *Genuflectens, repetes quinquies minimum, Laudetur Sanctissimum SACRAMENTUM propter Indulgentiam.*

XXXVI. *Signans te calice & dicens: Sangvis Domini nostri IESU Christi custodiat Animam meam in vitam æternam, custodiat etiam omnes meos in Te & Tuos in me, & sit super nos ommes sangvis tuus, signaculum vitæ æternæ, Amen.*

XXXVII. *Post eadem Verba, ante sumptum*

ptum Calicem Testamentum tuum ratifi-
cabis.

Mi IESU Testamentum meum ratum
habeo; illudque sanguinis Tui sumptio-
ne confirmo. Sit mihi mi IESU! san-
guis hic Tuus, sacrificiū, sit Sacramen-
tum, sit Testamentum, sit viaticum,
sit Professionis meæ, quam item ratam
habeo signaculum, sit meæ voluntatis
cum Tua voluntate desponsationis æter-
næ incrementum, sit Indivinationis au-
gmentum, sit ad Tuam Dignitatem cu-
ræ implantamentum. Sit Seraphicæ, Ma-
rianæ, Tuæ Charitatis, erga Te, erga
P. Parentem erga Sanctissimum sacrifi-
cium atque Sacramentum erga Crucem,
Mortem, & Passionem Tuam augmen-
tum.

XXXVIII. *Sumens actu Sanguinem de*
Calicè dices corde: Mi IESU portio mea,
sanguinis tuus. portio Tua Sanguis me-
us. Mi IESU portio mea Dignitas Tua,
Portio Tua Dignitas mea. &c.

XXXIX. *In quiete post Sumptionem Ca-*

licis

*licis facies supplicationem Domino pro li-
beratione à Regimine.*

Mi IESV per Tuam in hoc Sanctis-
simo sacrificio & Sacramento, & in vi-
sceribus Animæ Corporisque mei præ-
sentiam, peto à periculis ejus liberes me,
& in hac ipsâ præsentia dirigas & adju-
ves me quàm efficacissimè sicut potes,
scis, & vis, expedire gloriæ Tuæ, salutis
& perfectioni meæ, proximorumque me-
orum.

*Deinde conduces operarios & mercedem
pacisceris.*

Mi IESV, 1000. Actus Tibi & P.
Parenti offero & pro eo, ut in me &
in omnibus meis, quos scis & vis,
opereris gratias, quas potes, scis & vis,
nominatim constantiam & efficaciam dul-
cedinis, fervoris ac luminis: spiritum
quoque Orationis, mortificationis, con-
templationis, Donum quoque gratiarum
actionis pro omnibus beneficijs Tuis: in
specie, pro Beneficio Sacrificij, Sacramen-
ti, Pœnitentiæ, Eucharistiæ, Unctionis
Extremæ

Extrema. Donum abyssalissimæ Tui Re-
verentia, mei verò contemptionis.
& impetrationis omnium gratiarum quas
potes scis & vis Tibi placitissimas mihi
utilissimas, & efficacissimas finales; Do-
num utendi iisdem gratijs juxta gustum
Tuum. Donum denique deliciosissimæ
post Sacrum gratiarum actionis.

Mi IESV Purissimo Corpore & San-
guine Tuo purifica corpus & sanguinem
meum, purissimo cibo & potu Tuo, pu-
rifica gulam meam, purissimo verbo tuo
purifica mentem & linguam meam.

*Elicies quoque iterum quinquies Lau-
detur SS. SACRAMENTVM propter
Indulgentiam, item elicies actus ad æ-
ternam Sapientiam. Veli Divinitas Christi
in habita me, Persona Christi in divina me,
prout feret tempus.*

XXXVIII. *Dicta Post communionem dum o-
scularis Altare dices: Benedic Creator
memoriam creaturæ tuæ. Post Orationes
dum oscularis dic: Benedic Redemptor
intellectum redempti Tui.*

Post

Post Placeat tibi: *dum* *oscularis* dic, Be-
nedic Spiritus Sanctificator Voluntatem
sanctificati tui.

XXXIX. *Tollens calicem de altari ante
abitus; dices breves orationes has*

Quæsumus Omnipotens DEVS, ut
inter ejus membra numeremur, cu-
jus communicamus Carni & sanguini.

Hæc Sacra nos quæsumus Domine
potenti virtute mundatos ad suum puri-
ores faciant redire principium.

Sancti Nominis Tui Domine timor-
em & amorem, fac nos habere perpe-
tuum, quia nunquam tua gubernatione
desistuis, quos in soliditate tuæ dilectio-
nis instituis.

XL. *Genuflectens ultimò ante altare di-
ces.* Toto me, gloria Patri, gloria Filio,
gloria Spiritui Sancto, Quotiescunque
genuflectis in sacro, flecte affectu omni-
um Sanctorum; & omnium creaturarum,
quo DEVM debent adorare.

XLI. *In recessu ab altari, usque ex sa-
crario ad cubiculum, vel gratiarum actio*

E

nis

*nis locum, recitabis canticum Trium
puerorum Te DEUM laudamus, Magni-
ficat, aliasque orationes. Lavabis ma-
nus post sacrum dicens solitam orationem
Ec: Laudate Dominum omnes gentes
pro defectibus Missa supplendis.*

OBSERVATIONES POST SACRUM

OBSERVATIO I.

*Quares solitudinem mentis, à curis, Cor-
poris, ab Hominibus, ut totum te cum
Christo, Sanctissima Trinitate in te Sacra-
mentaliter concomitanterque speciali reali-
tate prasente, occupa, crescendo semper in
devotionis fervore, ab ipsa communione
usque ad consumptionem. Moraberis cum
Domino quàm diutissimè licebit, nullis non
artibus studendo DEUM demereri tibi
plurima & maxime à ditissimo, libera-
lissimoque Principe, Patre, Domino, DEO,
bona ac dona postulando, cum ad cor tibi
loquentem audiendo, statum vite tue, ne-
cessitatesque tuas, proprias, communesque
exponendo.*

II. *Exercebis actus quinque ad Christum
presentem.* Dulcissime Hospes animæ
meæ IESV, pro eo affectu & charitate,
quâ hoc Sacrificium atque Sacramentum
in ultimâ Cœna instituisti, & me ad il-
lud peragendum sumendumque admisisti.

Ignosce obsecro, quòd non cum debi-
ta præparatione, puritate, humilitate de-
votione, ad tantum Mysterium accesse-
rim. Omnem porro defectum in eius
oblatione & sumptione commissum, de-
le ac remitte, supplendo hos defectus
commissionis æque ac omissionis, acti-
bus tuæ profundissimæ reverentiæ, inten-
sissimæque charitatis, quos Tu ipse in die-
bus carnis Tuæ circa hoc Mysterium
exercuisti, & quos unquam ex dono Tuo
omnes servi tui huic mysterio addictissi-
mi exercuerunt, exercent, exercebunt
que usque ad finem sæculi: quos qui-
dem actus omnes, jam nunc ego in tua
omni circumstantia, Tibi placita, Tuis
Theandricis actibus unitos, offero nunc
toto me, per Te Sanctissimæ Trinitati,

in supplementū omnium, qui mihi defui
erunt, petens simul omnia impedimenta
fructuum & gratiarum Sacrificij Sacra-
mentique à me removeri.

Introtrabe. Mi IESu totam hanc me-
am hujus Sacrificij actionem in cor tu-
um amabile, offer in gratiarum actio-
nem, impetrationem, satisfactionem, reli-
quosque fines, quorum intuitu nunc sa-
crificium obtuli, Sacramentumq; sum;
psi Præcipue verò, ad gustum Patri, Ver-
bo, & Spiritui Sancto, nec non ad in-
crementum specialis gloriæ omnium Sa-
cerdotum Sanctorum Patronorum Myste-
rij hujus in Cælo regnantium, augmentum
verò in terris adhuc degentium,

Uni me Tecum Mi IESu Indissolubili
amore ad eum, quā possibile est medium,
quo Tux Humanitati unita fuit, & est
Divinitas, in qua subsistebat. Sis Tu
quoque mi IESu subsistentia & vita as-
nimæ meæ, ut in Te, propter Te ani-
ma mea subsistat, vivat, moveatur, agat,
& agatur per Spiritum amabilissimū cor-

sis Tul, ita ut anima mea plus de Te vivat, quem amat, quàm in corpore, quod animat.

Transforma. me in Te Mi Iesu, ut omnis substantia mea pereat in Te. Nihil sit in me, non tuum non in te transformatum. Totus annihilor in me, & Tu sis meum esse, omniaque mea.

Admitte me mi Dulcis Iesu, æterna Patris Sapiencia ad ignitissimam & Seraphicam Societatem amantium Tuam Sanctissimam Humanitatem, sive interris, sive in cælis. *Hoc autem peto* per cor & animam dilectricis Tuæ P. Parentis; quæ Te Incarnatum prima & principaliter & maxime super omnes Seraphinos magis Seraphicè dilexit: atque in Sacramento omnium maximè & dignissime amavit & honoravit. *Peto* id etiam per corda & animos omnium qui Tuam Sacratissimam Humanitatem ardentissime dilexerunt, coluerunt, petissimam qui sub specibus Panis & Vini immolarunt, vel immolatam honorarunt, æstima-

marunt, manducaruntque; hoc per ipsam
istam Tuam, ô Aeterna increata Incar-
nataque Sapientia Humanitatem, quam
modô immolavi & sumpsi, cujus præ-
sentiâ Sacramentali adhuc fruor & fruar
usque ad specierum consumptionem; ut
nimirum ex dono Tuo & ex virtute Sa-
cramenti Sacrificijque sim unus ex ama-
toribus Tuis Seraphicis, incessabilibus,
neque ab eorum Societate excludar un-
quam in tempore & æternitate.

III. *Elicies sequentes actus.* Dulcissime
IESV Te in me realiter concomitante
Sanctissima Trinitate præsentem credo,
amo, æstimo, adoro, toto me, toto cor-
pore, tota anima, persona, omnibus viri-
bus internis omnibusque partibus exter-
nis. Tota memoria, intellectu, volun-
tate, libertate, deliberatione, iudicio, in-
genio, imaginatione, omnibus sensibus
externis, omnibus affectibus partis su-
perioris & inferioris, omnibus qualita-
tibus & accidentibus, omnibus actioni-
bus & passionibus, omnibus virtutibus
donis

donis & bonis, tam naturalibus quàm
supernaturalibus, omnibus atomis, o
mnibus circumstantijs omni etiam o
bedientiali capacitate. *Credo etiam &*
amo & adoro Te mi IESV cum San
ctissima Trinitate in me realiter præsen
te, toto me: toto universo. omnibus
que atomis universi, universalitatisque,

Estimo & adoro & amo Te toto
cælo, igne, aere, aquâ, terrâ, omnibusque
hic contentis, omnibus etiam horum vi
ribus, actibus, conditionibus. Estimo
& adoro & amo Te quoque, tota P.
Parente, totâque curiâ Cælesti Sanctis,
Angelis, Archangelis, Virtutibus, Prin
cipatibus, Potestatibus, Dominationibus
Thronis Cherubinis, Seraphinis Apo
stolis, Patriarchis, Prophetis, Martyribus,
Doctoribus, Confessoribus, Virginibus,
Viduis, omnibusque Sanctis.

Estimo & adoro & amo Te quoque
omnibus inanimatis, omnibus etiam da
mnatis tota æternitate.

Humilio me Mi Iesu Coram Te &

cōram Sanctissima Trinitate, tecum in me præsente, toto me, usque ad inferos, usque ad abyssos, infra damnatos, infra bruta, infra inanimata, & infra ipsum nihili centrum.

Benedico Te Mi IESU cum Sanctissima Trinitate tecum in me præsente, toto me, benedictionibus & laudibus totius creaturæ, inanimatæ, viventis, sentientis, intelligentis, damnatæ, viatricis, iustæ, Beatae, P. Parentis, Tuæ Sanctissimæ Humanitatis & Divinitatis, & denique Sanctissimæ Trinitatis.

Exulto de omnibus & singulis bonis Tuis ô Sanctissima Trinitas, atque JESU Christi Humanitas, exulto toto me, totisque totius mei viribus. Exulto Trinitas Sanctissima Te esse id, quod es; esse Te DEUM Unum in Trinitate, Trinum in Unitate, esse Vitam, Rationem, Voluntatem, esse Omnipotentiam, Misericordiam, Iustitiam, Charitatem, Bonitatem, Liberalitatem, Immensitatem, Dignitatem, Sapientiam, Unitatem, Æterni.

ternitatem, Pulchritudinem, Dulcedinem
Laudabilitatem, Simplicitatem, Omnia.

Exulto Mi JESU Te etiam esse id quod
es, esse Te DEVM Hominem, & gratulor
tibi id, quod es & id quod habes,
gratulor tibi omnia bona naturæ, gratiæ,
gloriæ, unionis hypostaticæ, omnia quoque
opera, munera, merita, glorias, virtutes..

O mi JESU te ego præsentem in me
DEVM, homo; Creatorem, creatura;
Redemptorem, redemptus; Dominum,
servus; Regem subditus; Imperatorem,
miles; Parentem, filius; Magistrum discipulus;
medicum infirmus; Iudicem reus;
Sponsum sponsa; Pastorem ovicula;
Ditissimum divitemque DEVM pauper
perculus & - miserculus, toto me amo
& æstimo, & exalto super omnia propter te.

tibi Mi JESU omnes actiones & passionem,
seu mutationes totius vitæ substantiæque
meæ (imò & omnium quantum in me est creaturarum) unitas acti;

Es onis

ōnibus & passionibus & meritis totius
vitæ tuæ, in realem, verbalem, cordia-
lem, præteritam, præsentem & futuram,
omnimodam, possibilem, infinitam, in-
cessabilem, offero, consecro, dono, tra-
do, sacrifico, gratiarum actionem, lau-
dem, adorationem, amorem, exaltatio-
nem tui: *Itemque* in præparationem ad
futuras Missas & communiones. *Item* in
dispositionem ad gratias Sacrificij, Sa-
cramenti, beneplaciti, actuales, habitu-
alesque, finales, opportunas, efficaces,
perseverantes. *Item* in satisfactionem pro
defectibus missarum & communionum
& confessionum mearum: & pro omni-
bus meis tam culpæ quàm pœnæ obli-
gationibus, in specie autem pro pœnis o-
mnibus spiritualibus. *Item* pro anima;
bus in purgatorio.

Item pro gratia fervoris in vita & mor-
te, proque sancta morte, finali in boni-
tate & sanctitate, & perfectione, & So-
cietate perseverantiâ.

In particulari volo mi Iesu cum tua
gratia

gratia me exercere & perficere assidue
idque specialiter in gratiarum actionem
pro Sanctissimo sacrificio & Sacramen-
to in aliosque fines jam supra expressos;

In renovatione intentionis crebra. *In*
continuè crescentis fervoris excitatione

In actuali devotione in omnibus. *In*
concatenatione actionum per spiritum.

In DEI presentis amante memoria &
memori amore. *In* invocatione auxiliij *In*
communicatione spirituali *In* actibus he-
roicis. *In* usu orationū ejaculatoriarum. *In*
amore & fame orationis, crucis & labo-
ris. *In* dilectione cordiali beneficentia-
que erga inimicos, & detractores. *In* gra-
tiarum actione assiduà & reali pro be-
neficijs toti mihi factis & faciendis per
æternitatem. *In* actibus quàm plurimis
heroicè magno spiritu & devotione pe-
ragendis.

Ad eundem finem volo mi Iesu, volo
cum Tuà gratiâ emendare me peculiariter:
& particulariter. *In fuga vana gloria. In*
ira & impetuositate, In actuum inordinas-

tionem. In tepore in gulefitate in incon:
stantia, in complacentia & fiducia mei,
in neglectu reflexionum, in amaritudine
animi, in effusione agendi, in minimo-
rum bonorum, mortificationum & per:
fectionum omiffione, in minimarum im-
perfectiōum contemptu & admiſſione.
In gravedine atque repugnantia ad o:
randum.

IV. Confiteberis Chriſto commendabis
que tuas & totius mundi neceſſitates. Mi
Jeſu confiteor & commendo tibi, om-
nes meas neceſſitates naturales perſona:
les, ſpirituales, corporales, officiales, tem:
porales.

Confiteor & commendo tibi pau:
pertatem meæ memoriæ; intellectûs, vo:
luntatis, judiciij, Imaginationis, ſenſuum,
corporis, affectuum animæ, ſcientiæ
prudentiæ, virtutum, gratiarum, merito:
rum, ſanctitatis actionum & paſſionum.
firmitatis in patiēdo, agendo, & per:
ſeverando. Diſcretionis & induſtriarum,
in cura potiffimū aliorum tam quoad
interi:

Interiora, quam quoad exteriora eorum

Confiteor etiam & commendo
Tibi mi. J E S U toto me, necessitates
omnes totius mundi, Ecclesiæ, Im-
perij Christiani, Regni, & Regis no-
stri, Societatis, superiorum, personarum,
locorum, laborum, officiorum, tribula-
tionum, tentationum, zeli ejusdem, con-
fraternitatum quibus participo. Paren-
tum Fratrum Consanguineorum in spe-
cie amicorum privatorum & communium,
inimicorum privatorum & communium,
Benefactorum privatorum & com-
munium, omnium, quos læsi & nocui
unquam, omnium ad curam meam per-
tinentium, omnium poenitentium meo-
rum, præteritorum, præsentium, futuro-
rum, omnium qui pro me orant, omni-
um, qui se commendaverunt orationi-
bus meis, omnium personarum & rerum
commendatarum ab obedientia, omni-
um meorum in Domino, quos ille scit &
vult, omnium, in peccato mortali, in a-
gone mortis, in gravi necessitate, omni-

um animarum purgatorij. Omnium, pro quibus Societas orare intendit, quos prædestinasti per nostram Societatem juvâri, pro quibus orarem, si illos mortuos esse scirem, omnium vivorum & mortuorum, quos scit & vult DEUS, Tu mi JESU, qui cum Patre & Spiritu S. omnia diligis, & scis, & potes, adjuva omnes nos, sicut scis, vis, potes, propter te.

V. Reddes rationem conscientia ac vitæ tuæ Christo præsentî: ut DEO, ut Medico, ut Spiritûs Patris; aperiesque illi conscientiaë librum, & petes, ut scrutetur latebras ejus in lucernis suis utque tibi luce suâ indicet, quid displiceat in te, quid desideret à te. Repetes si voles & facies Christo Confessionem defectuum tuorum (supra positorum ante Sacrum Obsev. 5. ex Thoma de Kempis) petesque misericordiam & indulgentiam. Audies attentè, & reverenter, quid loquâtur in te Dominus tuus, quid jubeat, quid moneat, quid arguat, quid desideret; statuesque cum omni fidelitate, diligentia exequi omnia, qua

quæ intimata tibi senseris à Domino.

VI. Exercèbis quàm plurimos virtutum actus in gratiam Christi Domini praesentis.

1. Agnosco mi JESU DEUS, & Redemptor meus, inhabitator quoque, cibus & conviva, Hospes & Sponsus, pater & Rex meus; agnosco inquam me sine tua gratiâ nihil esse, nihil nosse, nihil posse, in Te autem & de Te omnia esse, posse, & nosse.

2. Mi JESU tota mendicitatis meæ abyssò, Tibi supplico pro omnibus, & singulis bonis, donis, naturæ, gratiæ, gloriæ, mihi & omnibus quibus Tuis & vis.

3. Demergo me Domine in omnes abyssos nihili miseriæ malitiæ indignitatisque meæ; in omnes autem abyssos, Essentiae, Bonitatis, Dignitatisque Tuæ, coram Te, propter Te, toto me.

4. Doleo de peccatis meis omnibus & singulis cordis, oris, operis, commissionis, omissionis, alienis, ignorantiae, dejectionis

tractionis, superbiz, inconstantiz, juven-
tutis, : Doleo autem propter Bonitatem
Dignitatem Charitatem Tuam : propter
vilitatem, malitiam ingratitudinemque
meam, toto me.

5. Credo Domine adjuva incredulitatē
tem meam. Credo Te, in Te, de
Te, omnia revelata à Te, quia revelata
à Te, toto me.

6. Spero in Te, spero Te, spero à Te
spero omnia promissa à Te, quia pro-
missa à Te, & in sola gratiā Tuā meri-
tisque Tuis confido toto me, propter Te.

7. Confige Domine timore tuo car-
nem & mentem meam, ut Te semper,
& solum, & super omnia, timeam, ut
que creaturas timere timeam.

8. Mi IESU toto me amo, æstimo,
dignifico Te, quantum Tu scis, si pa-
rum, da amplius, da fortius da incessabi-
lius, da Seraphico, da MARIANO, da Tuo
amore, diligam Te. propter Te.

9. Devoveo, despondeo, dedico me to-
tū, toto me, suavissimā, adorandā di-
gnissimā

gnissimæ voluntati Tux propter Te.

10. Devoveo, etiam totum me, toto me. exaltandæ dignitati Tux, propter Te.

11. Mi IESU qui uteris Te ad humiliandum Te, exaltandum autem me, utere etiam me, ad humiliandum me. & exaltandum Te, valdè, toto me, propter Te.

12. Peccavi Domine, peccavi Tibi soli, & malum innumerum coram Te feci, feci, ego vilitas, malitia, nihil, feci autem in Te Dignitatemque Tuam & Bonitatem & Voluntatem Tuam.

13. Ad satisfaciendum pro peccatis meis, Tibi, Mi IESU trado me totum, voluntati, iustitiæ, misericordiæque Tux, fac ergo mecum voluntatem, justitiam, misericordiam Tuam sicut potes, scis, & vis.

14. Pone me totum Domine in manibus tuis & in. Beneplacito (vav. ssimæ) Voluntatis Tux, ad omnem omnino usum placitumque Tuum, in omnibus circum

circumstantijs tuæ voluntati placitis, si-
ve sint illæ dulces, siue amaræ, siue sint
duræ, siue faciles, siue, honorificæ, siue
ignobilès, siue sint longæ, siue breves.

15. Volo Mi IESU & desidero & pe-
to pati, quidquid me vis pati; quidquid
patiuntur, passæ sunt, passuræ adhuc sunt
omnes creaturæ per omnem æternita-
tem, propter participationem omnis
Crucis Tuæ, quam subiisti pro me.

16. Immolo Tibi Domine, immolo
omnem amorem, omnem libertatem,
omnem sensum omnem intellectum, om-
nem honorem, omnem substantiam,
omnem capacitatem, omne, quidquid
sum & esse possum, omnem & totum
me, immolo inquam in holocaustum ju-
ge & æternum super altare Voluntatis
Tuæ in igne dilectionis tuæ, in prunis
censuræ humanæ & omnis omnino cre-
aturæ propter Te.

17. Exuo me & expollo me amore,
gustu, proprietate, dominio, usu, intuitu
omnis creaturæ, etiam necessariæ, etiam

mei

mei ipsius, etiam omnium actionum
passionumque, etiam partium ac poten-
tiarum mearum, etiam bonorum & do-
norum tuorum naturalium ac superna-
turalium, etiam meritorum, quatenus,
aliquo modo meorum. atomorum me-
arum. Hæcque omnia Tibi, & volun-
tati tuæ restituo, ac subijcio. Tua sent
enim, & eorum possessio, gloria, boni-
tas Tua! tantum modo indigentia, in-
dignitas, ingratitude illorum, mea.

18. O Domine si Te homines nos
sent! ô si in te crederent! in te sperarent!
Te diligerent! Te æstimarent, Te lauda-
rent! Te possiderent.

19 O Domine si ego possem omnes
& singulas, creaturas tuas naturales, ad
Te adducere, tuique notitiâ, fide, spe,
timore, dilectione, laude, fructuone, im-
plere propter Te.

20 O Domine pro omnibus & singu-
lis creaturis tuis, nunc pro omni tempo-
re æternitate, novi Te, confiteor Te, cre-
do in Te, spero in te, amo te, laudo,
æstimo

astimo, exalto, revereor te, toto me
propter Te.

21 Desidero mi IESU omnem omnis
virtutis perfectionisq̃ue perfectionem &
excellentiam nosse, desiderare, amare,
quærere, acquirere, possidere, tenere, au-
gere, servare, in me, inó in Te propter
Te, propter gloriam Nominis Tui, pro-
pter similitudinem perfectionis Tux, pro-
pter gustum voluntatis Tux.

22 Desidero mi IESU toto me omnia
dona gratias, merita, virtutes, perfecti-
onesq̃ue omnium Electorum tuorum, P.
Parentis Tux, Sanctissimæ Humanitatis
Tux, non propter ullum bonum meum,
quatenus meum, sed propter exaltandum
magnum & Sanctum, per me, in me,
Nomen tuum, propter te.

23 Desidero mi IESU imitari & ex-
primere quàm perfectissimè Paupertatem,
Humilitatem, Mansuetudinem, Modesti-
am, stultitiam, contemptibilitatem, villi-
tatem, passionem, crucifixionem, mor-
tem tuam, mea paupertate, humilia-
tione

tionē, ſubjectionē, manſuetudine, patientia, contemptione, vilificatione, annihilatione, ſtultificatione. cruce, paſſione, morte. toto me propter Te.

24 Amo Domine JESU toto me, propter Te, omnem creaturam, etiam mihi inimicam & inutiliē, etiam omnes reprobos, quatenus aliquid tui ſunt, omnes Eleotos. P. Parentem tuam, tuam ſacratiffimam Humanitatem, tuam diviniffimam, Divinitatem.

25 Cor mundum Bone JESU, & corpus caſtum crea in me, ut dignum Te, fiat Tibi habitaculum ſemper inſe propter Te, & da mihi illud curare ardentē toto me.

26 Immergo mi JESU totum me ſemel pro ſemper in balneo & mari ſanguinis Tui meritorūque tuorum: iſſque me unio, & uniri à Te, in eiſque ſepeliri poſtulo toto me.

27 Gratias tibi ago Domine JESU toto me, pro omnibus & ſingulis beneficijs mihi & omni creaturæ, imprimis

amem

autem tuæ Sanctissimæ Humanitati, & ejusdem P. Parenti, omnibus Electis præstitis & præstandis per omnem æternitatem.

28 Odi Domine & odisse volo, toto me, & ex toto corde meo, omnem noxam etiam venialem. etiam minimam tanquam maximam, meam, alienam dummodo Tibi dispicitam,

29 Volo mi JESU, & desidero, & & propono, Tibi æternaliter in omni perfectione servire propter Te, toto me, semper ardentius.

30 Volo mi JESU, vota mea, quæ vovi, servare, eaque ac si nunc facta primum, rata habeo, & denovò innovans, voveo toto me propter te.

31 Complaceo mihi mi JESU in omni eo statu, quem me Tua suavissima voluntas inire fecit, in eoque semper volo amplius, in millies & millies majori proportionem fervoris crescere atq; progredi, & crescendo semper perseverare usque in finem. Idque ab omni bonita-

te Tuâ postulo supplex, toto me propter te.

32 Peto Domine fidem, cultum, penetrationem, gustum, amorem, usum, fructum, Sanctissimi Tui Sacrificij & Sacramenti quam maximum, semperq; magis ac magis in me crescentem, vobis loque ad ejus usum & oblationem, omni atomo mei, & vitæ, actionum passionumq; mearum disponi toto me, propter Te.

33 Imple mi IESU, imple per me, & in me & per omnem creaturam tuam, omnes voluntates atque intentiones, & voluptates, atque glorificationes tuas, & Patris tui æterni, & Spiritûs Sancti, cui Tecum toto me, toto Te, omnis amor, omnis honor, omnis gloria in sæcula sæculorum & ultra.

VII. *Petes à Christo Domino Sacramentaliter in te prasente quàm poteris maxima plurimæque bona. Atam divite & profuso Domino, non decet nulla aut parva dona postulare, tam tibi quam alijs.*

O Dulcissime atq; liberalissime IESU postulo

Postulo à Te veram & finalem pro peccatis meis omnibus & singulis, contritionem, & satisfactionem. **Postulo** à te ut si quod in me salutis æternæ, gratiæq; tuæ impedimentum, si quam peccati maculam, si quam peccandi occasionem vides, eam quam primùm à me removeas. **Postulo** à te ut omnes pravos habitus in me extirpes, omnes immoderatos passionum impetus, omnes effrenes concupiscentiæ ardores in me reprimas. **Postulo.** à te ut corpus & animam, ab omnibus phantasijs, imaginationibus, immunditijs, ab omnibus actibus etiam solum materialiter malis, ab omnibus actibus immeritorijs, ab omnibus denique imperfectè vel tepidè factis bonis purifices. **Postulo.** à Te ut des mihi gratiam ita vivendi semper ut (quantùm fragilitas sinait) sim absque culpæ & poenæ obligatione, coram Te, aut saltem primo quoque tempore diebus singulis sanguine tuo, per gratiam tuam, cooperationem meam, ab eis emunder, absolvarq; a Te. **Postulo**

Postulo

Postulo à Te Dulcissime JESU ut des mihi gratiam abstinendi semper ab omnibus & singulis maximè verò deliberatis peccatis. *Postulo* à Te ut des mihi, operibus meis bonis consequi, & adæquare cognitionem & lumen internum, gratiarumque tuarum affectionem & impulsus. *Postulo* à Te ut des mihi semper juxta aut etiam supra habitum virtutis, mensuramque gratiarum abs te mihi communicarum, opera mea perficere. *Postulo* à Te des mihi propter Te, & propter Divinum tuum gustum, dona multa & magna, quæ magnis tuis Sanctis contulisti. *Postulo* à Te, ut des mihi semper exactè, promptè, vigilantè, dulciter, perseveranter, gubernationi ac regimini, inspirationique tuarum mediatè ac immediate in omnibus correspondere. *Postulo* à Te Liberalissime JESU, ut des mihi habere in omnibus actionibus, propositisque meis rationem naturæ, perfectionis & mortificationis. *Postulo* à Te ut des mihi gratiam semper & semper ferventiùs tibi serviendi,

magis tibi placendi, perfectius te cognos-
 scendi, sincerius & devotius te exaltandi,
 profundius autem & cordiallus, me infra
 ipsum nihili centrum abijciendi. *Postulo*
 à Te ut des mihi vitam longam, plenam
 sanctitate mea, & proximorum fructu in-
 genti, omnibus etiam laboribus & cru-
 cibus parem. *Postulo* à Te ut des mihi
 gratiam, inspirationes tuas, proposita au-
 tem, & incepta mea bona omnia exe-
 quendi, constanterq; ac illuminatè, arden-
 ter in eis perseverandi. *Postulo* à te Mi-
 sericordissime ac Liberalissime IESU, ut
 des mihi ad extremum vitæ meæ instans
 usum rationis (quin & sensuum) utque
 te etiam in extremo vitæ puncto super
 omnia diligam, super omnia æstimem,
 super omnia cupiam, tanquam superna-
 turale bonum, ultimumque finem mei-
 um, & ex iisdem motivis de peccatis
 meis dolendo, in manus tuas & P. Paren-
 tis Angelorumque ac Patronorum San-
 ctorum, spiritum meum tradam. *Postulo*
 à te DEUS meus gratiam discernendi
 spiritus

spiritus, tam in me ipso quàm in alijs.
Postulo à Te ut des mihi cor misericor-
 diâ plenum, quò aliorum bonis sine in-
 vidia faveam, infirmitati & miserijs sine
 furore compatiar, faciliè omnia excusem,
 regam, laudem, aut saltém nec meæ nec
 alienæ censuræ subijciam. *Postulo* à Te
 DEUS meus ut des mihi gratiam capi-
 endi homines, ad bonumq; à malo, sua-
 viter, prudenter, efficaciterq; deducen-
 di. *Postulo* à Te mi JESU, ut des mihi
 gratiam Societatis JESU ad conversan-
 dum, concionandum, consulendum, con-
 fessiones audiendum, scribendum, con-
 sultandum: ut item des mihi industrias,
 praxes, inventionesq; prudentiæ spiritua-
 lis animarum periculis occurrendi. *Postulo*
 à Te ut dirigas ad me, vel me, ad tales
 homines qui maximè egent, & remoti
 sunt desitutiq; suâ vel alienâ culpâ ab
 auxilio spirituali. utque mihi des gratiam
 ejusmodi homines efficaciter etiam cum
 patientiæ meæ exercitio adjuvandi & ad
 Creatorem & Redemptorem earum addu-
 cendi. *Postulo* à Te ut in me & in alijs per

diabolum objecta, potenter removeas,
 mihiq; cum omni genere hominum tra-
 ctandi gratiam salutarem concedas. *Pos-
 tulo á Te mi IESU* ut animabus in pur-
 gatorio positis, quæ vel peculiari da cau-
 sa juvari á me debent, & vel minimum
 vel etiam plurimum ad exsolvendum,
 justitiæ Tuæ habent; vel á nullo vi-
 ventium in particulari penitus juvantur,
 quàm citissimè miserearis requiemq; æ-
 ternam tribuas, *Postulo á Te mi IESU*,
 ut notitiam, fidem, amoremque Tui in
 omnium hominum cordibus quàm effi-
 cacissimè, dissemines, foveas propages,
 atque conserves, fructumq; tum pretio-
 sissimæ vitæ, passionis ac mortis tuæ: tū sa-
 cro sancti sacrificij atqve Sacramenti Al-
 taris, omnibus & singulis efficaciter &
 finaliter, juxta tuum & ad tuum bene-
 placitum communices. *Postulo á Te Di-
 gnissime IESU*, ut voluntatem tuam,
 gloriam tuam, dignitatem tuam Patris-
 que tui æterni, necnon Spiritûs Sancti per
 omnes & singulas creaturas tuas perferat;

as, teque superexaltes in sæcula sæculorum.
 Ad extremum *Postulo* a Te Dignissime
 IESU, ut des mihi & amicis meis omni-
 bus, inimicis quoque & ingratis, & u-
 niversum toti humano generi peccatorū
 veniam, vitæ emendationem, virtutum
 perfectionem, amorem tuum perfectum,
 finalem in sanctitate perfectionem. *Pos-
 tulo* ut des Parentibus fratribus con-
 sanguineisque meis gratiam tuam, tem-
 poralium sufficientiam, spiritualium ab-
 undantiam *Postulo* ut des tui cognitio-
 nem & dilectionem infidelibus, des suc-
 cessum & benedictionem, officijs, curis,
 necessitatibus difficultatibusque meis.
 Dirige me in omnibus consilijs, & operi-
 bus, da perseverantiam in mandatis &
 beneplacitis tuis; fac mecum dulcissime
 IESU semper omnem adorandam volun-
 tatem tuam, & utaris me ad humilian-
 dum me, ad exaltandum autem Te vale-
 de, nimis Fac me perfectum p[ro]fesso-
 rem possessoremque crucis tue, contem-
 ptus tui probrorumque tuorum. *Damny*

hi multa & gravia & occulta pro te, pro
tua gloria & voluntate, pro animarum
salute, sine cuiusquàm peccato perpeti.
Utere mi IESU famâ, honore, viribus,
vitâ, corpore, animâ meâ, totoque me
ad dignificandam inter homines dignita:
tem tuam. Vestias & exornes me digna:
tionibus, insignibusque tuis specialibus,
Impende mi IESU iis omnibus, qui mi:
hi unquam fuerunt sunt, erunt, quos:
cunque modo inimiei, molesti, ingrati,
tuam gratiam Sanctificantem nec non
omnis Beneplaciti tui affluentiam copi:
osam. Utere mi IESV creaturarum tua:
rum, quarum scis & vis (nominatim fra:
trum meorum Beneficiariorumque) cen:
suris, lingvis, calamis, industrijs (ex:
clusis tantùm peccatis) ad humiliandum
me, exaltandum Te. Impende autem mi
hi efficacem tuam benedictionem, & so:
lidam consolationem, per earundem cre:
aturarum merita & suffragia, meritistu:
is conjuncta, in omni angustia, neces:
sitate, actioneque mea. Fac mi IESU,

me

me, veritatis tuæ cognitorem, amatorem,
professorem, defensorem. Fac voluntatis
tuæ cognitorem, amatorem, profes-
sorem, defensorem. Fac voluntatis tuæ
mancipium & sponsum. Fac Dignitatis
tuæ zelatorem & devotum. Fac Sapien-
tiæ tuæ discipulum, ministrum, socium,
Filium, Fac gratiæ providentiæque tuæ
nutritium & infantem. Fac me Domini
tui servum, dignationum Tuarum sub-
jectum & antesignanum. Fac me Tuæ,
omnium nostrum P, Parentis, mancipi-
um, filium, hæreditatem, hæredem, ac
sponsum. Fac me denique stultum pro
Te. Fac me Tibi pauperi, crucifixo, con-
tempto conformem. Fac me secundum
cor tuum.

Da mihi Dulcissime IESV ut sim re-
cte & hamus animarum. Dirige ad me
animas auxilii spiritualis valde indigas
Da verbis scriptisque meis lucem, pon-
dus & flammam. Da cordi meo Spiritum
& zelum Apostolicum. Da discretionis
& prophetiæ [non illius mirabilis, sed

ad intima eordium penetrantis, & opportunè verbum salutis proponentis, necessitatesque animarum introspecientis) donum. Da omnium donorum & fructuum Spiritûs Sancti copiam. Da in omni occasione atque momento opportunum lumen, amorem, & directionem. Da lumen in intellectu, efficaciam in affectu, constantiam in incæptis perseverentiam in omni bono actu. Da dulcissime JESU clavem scientiæ, apertumque sensum ad intelligendas scripturas & veritates, da mentem & linguam, eruditam in lege tua, da oculum & sermonem tuum ad intima eordium. Noli me mi JESU facere mirabilem in oculis humanis ac præsertim in meis, fac me fidelem ac prudentem servum tuum, gloriam tuam tibi integrè reddentem. Non sinas adverſa mea quæ patior ſciri, aut æſtimari, dolerivè ab alijs, Non ſinas labores, difficultates, neceſſitates, dolores meos, agnoſci, apprehendi, curari. Fac mihi imputari alienas culpas, fac

mea sciri & exaggerari errata, fac me
 gvarum martyrem, reprehensionum lo-
 cum, contemptuum subiectum, irrisio-
 num materiam. Non utaris malignante
 mea lingua, iudicio, censurâ, calamo,
 ad probandam, purgandam, limandam
 que virtutem alienam. Aufer mihi pona-
 dus in sensualitate, curiositate, & naturâ.
 Excæca oculum meum, quo intueri, &
 quærere soleo me ipsum, sed illum ad tu-
 solius intentionem intuitumque converte.
 Denique dulcissime IESU fac me San-
 ctissimæ humanitati tuæ conformem, Di-
 vinitati unitum, voluntati subiectum, di-
 gnitati devotum, bonitati immersum, a-
 more ebrium, sapientiâ absorptum, to-
 tum me totaliter in Te transformatum, mi-
 hi ipsi, amorique planè, mortuum atque
 sepultum, ac oblivioni traditum. Tibi ves-
 rò soli & Te solo, in vita & morte vi-
 ventem atque spirantem, sicut Tu potes
 scis, & vis, quia hæc est voluntas volun-
 tatis tuæ. Tibi cum Patre & Spiritu San-
 cto uni soli DEO honor & gloria in sæ-
 cula.

IX. Institues meditationem aut leges ejus praxim ex hebdomadis liturgica die, quæ inciderit, si licebit, Ages gratias Sanctis Patronis Sacrificij atque Sacramenti Recitabis Pater noster & Ave MARIA pro libitu decies minimum ad eliberandas animas è Purgatorio propter Indulgentiam &c.

X. Examen institues super decursum totum Sacri, incipiendo à præparatione usque ad finem gratiarum actionis: an observationes omnes expleveris. Quo peracto dices
Confiteor, dulcissime IESU & confundor. simulque deprecor, quod Te DEVM, Dominum, Patrem Sponsum, Regem tantæ Majestatis, tam abjectè tam frigide amaverim & desideraverim, tam ejuncè, rusticeque tractaverim & gratias egerim. Postulo à Te misericordiarum Patre veniam, propono in posterum emendationem; peto deinceps gratiam & benedictionem, & interim suscipe à me hanc qualemqualem similitudinem, & pro omnibus bonis tui

in presenti Sacro & communione mihi
communicatis gratiarum actionem. Cul
ego Domine (sicut neque ulli alteri meæ)
actioni atque passioni, conatui aut indu
firæ, quatenus quidem meæ nullatenus
confido, sed eam omnino nihil esse, qua
tenus est ex me, quatenus autem aliquid
est, ex Te DEO meo omnis boni fonte,
esse confiteor. Ideoque Tibi tamquàm
totali omnis bonæ dispositionis, omnis
bonæ operationis, omnisque causæ boni &
principio, omnia resigno, omnia attribuo,
per omnia confido, tibi que soli omnem
gloriam refundo. Tu Domine fac mei
cum, & de me, omnem voluntatem tu
am, miserere mei sicut potes, scis, & vis,
secundum magnam misericordiam tuam
& propter omnimodam gloriam tuam.
Tua enim est Domine omnis laus, ho
nor, gloria; mea verò est omnis culpa,
& pœna, & confusio in omnia sæcula
sæculorum.

XI. *Actus Christo & P. Parenti in
mercedem inter sacrificandum post eum;*

*munitionem promissos, de more persolves.
Expiationem defectuum, negligentiarum, om-
missionum & tepiditatum, solitam facies.
Facies meditationem persequentes affectus*

*Ergone Sacrificatum est? &c. Vide so-
lio 69. Sacrum pro me ipso.*

O Beatissima Trinitas DEVS meus di-
gnissime, ecce oblaturus venio in-
cruentum Sacrificium veri DEI Homi-
nis, verè, realiter, substantialiterque præ-
sentis. Quod ut est Adoratorium offero
In exhibitionem supremi cultus Latriæ &
adorationis tibi debitæ à me creatura tua,
nec non in recognitionem tui superab-
solutissimi in omnia creata dominii, me-
æq; naturalis ac mihi essentialissimæ sub-
jectionis. Cupio mi IESV, eo sub-
jectionis modo tibi me subijcere, quo-
tu tibi creaturam subijci vis, aut subijcere
potes: proinde nullis Divinæ tuæ volun-
tatis de me decretis obstantibus, decer-
ne de me nunc quidquid tibi placet in
tempore ac æternitate, quod hoc San-
ctissimo Sacrificio testari volo, teque DE

VM meum in tua Deitate adoro supplex.
Exhibeo præterea profundissimam ve-
nerationem & reverentiam Incarnato
Verbo, & Sacramentali Sacrificialique
Christi præsentia ac dignationi, deside-
rans ex tota affectûs intensione supple-
re simul negligentias omnes eorum, qui
se totos explicite cultui latrico, abyssali,
que venerationi DEI in carne & Domi-
ni IESU Christi in Sacramento Eucha-
ristia non impenderunt. Ecce ego nunc
ex zelo honoris Hominis DEI, offero
totius universitatis prædestinatorum, glo-
rificarum, & glorificandorum, omnem
actuum latreuticorum collectionem, quâ
suppleo meos & alienos hac in parte de-
fectus atque insufficientias. Ut est.

Gratiarum actum, offero in plenis-
simam gratiarum actionem pro omni-
bus prorsus beneficijs toti creaturarum
populo, tam in ordine naturali quàm su-
pernaturali, per generalem vel specialem
individualemque concursum DEI, per
influxum Sanctissimæ Christi humanita-

tis præstitis, perque totam æternitatem
 præstandis ac præstabilibus cuius tam
 amplæ gratiarum actionis debitorem me
 fiducialiter constituo, fidens immensæ
 Domini IESU cordis capacitati, quem
 in hoc Sacrificio offeram. Specialiter au-
 tem in cor ejusdem Domini IESU hæc
 quæ recenseo beneficia, depono, ut ibi
 tanquam in suo fonte atque centro ma-
 neant: ego enim minor sum omni mi-
 nimo beneficio DEI, nec idoneus ad aliquid
 quidquam, nisi ad destructionem bene-
 ficij cuiusque Divini. Igitur in hoc Sa-
 crificio gratias tibi ago pro beneficio
 creationis, redemptionis, & pro ijs o-
 mnibus, quæ hisce sunt connexæ ac mihi
 a te collata. In particulari autem tibi
 gratias ago per hoc Sacrificium ex toto
 corde meo, totaque latitudine virium
 mearum, pro eximia misericordia tua,
 qua me in miseriis & peccatis sæculi de-
 mersum eripuisti, & collocasti in hac
 Sancta Societate tanquam in Paradiso de-
 liciarum sanctarum. Gratias ago pro o-
 mnibus

omnibus votis, quibus me tibi adstrinxisti, ut in tuam transirem hæreditatem, totusque tuus essem & non meus, quæ me fecisse non solum non pœnitet, sed etiam, si ea ante non fecissem, nunc sum: mo quo possum ex tua gratia, dilectionis tuæ supremæ ac super omnia affectu facio, voveðque tibi DEO meo irrevocabiliter & ex plenissima deliberatione, assensu firmissimo ex puro amore tuæque assumptæ humanitatis, nec non illius P. Parentis paupertatem, castitatem, obedientiam tam communem Religiosis Prælati, quàm specialem Summo Pontifici: nec non omne aliud votum à me tibi factum, in, & pro Societate IESU. Gratias ago tibi pro dignitate Sacerdotij, qua me de pulvere erexisti, itemque pro u'u ejusdem Sacerdotij in administratione Sacramentorum pœnitentiæ præsertim & Eucharistiæ: pro omnibus igitur absolutionibus Sacramentalibus à me datis & acceptis: Item pro omnibus Sacrificijs & communionibus atque Sacrificiis oblatiis pro me,

à me, tibi gratias ago. O dignatio tua
per despicabilem catellum, qui toties pa-
ne filiorum tuorum pascus est atque sa-
ginatus. Gratias ago pro hac vicissitudi-
ne consolationum atque desolationum,
prosperitatum & adversitatum, elevatio-
num ac depressionum, quâ vitam meam
mirabiliter texuisti, & adhuc texis, & de-
nique texturus es. Gratias ago pro serie
omnium mediorum prædestinationis meæ,
& gratiarum omnium actualium tam in
intellectu quam in voluntate cæterisque
facultatibus receptarum: ago gratias pro
omnibus singulis illuminationibus, pro
omnibus Mysteriorum fidei vivacioribus
apprehensionibus, convictionibus intel-
lectualibus, voluntatis ad bonum permo-
tionibus, piis desiderijs. &c.

Insuper pro omnibus beneficijs, quæ
ex momento conceptionis meæ usque in
hanc horam de tua benignitate suscepi,
& quæ pro hoc momento temporis à te
suscipio: pro ijs denique quæ usque in fi-
nem vitæ meæ, & per totam æternita-

tem sum accepturus ex thesauris inex-
haustæ tuæ liberalitatis. Ut.

Satisfactorium est, applico mihi satisfac-
tionem huic Sacrificio correspondentem,
si capax sum: si minus applico illi, qui
me in hac vita in Christo diligit quàm
maximè, vel cui ego debeo plurimum
in Domino &c. Ut est,

Imperatorium, offero pro impetran-
da remissione omnium peccatorum pro
remotione impedimentorum salutis æternæ
atque peccandi occasionibus, tam re-
motis quàm proximis, internis & exter-
nis: denique pro impetranda gratia ita
vivendi in posterum ab hoc momento,
ut possim esse absque omni prorsus culpa,
& absque obligatione poenæ ullius tem-
poralis in hac vita, vel altera exsolven-
dæ. Pro impetranda puritate corporis &
animæ tanta, ut ab omnibus actibus ei-
us tam tantum materialiter malis, imme-
ritis, tepide factis, purissimum me pur-
rissimus ille DEI contueatur oculus. Pro
gratia ad universas virtutes ass. quendas, ea-
rumque

rùmque usum & exercitium continuum.
 Pro promptitudine correspondendi Divi:
 nis inspirationibus in quacunque mate-
 ria, licet difficili & sensualitati repu-
 gnante, pròque dono singulari discer-
 nendorum spirituum in me & alijs. Pro
 impetrandis congruis auxilijs, Spiritûs
 que donis ad Sacramentum pœnitentiæ
 prudenter, patienter, assidue, fructuosè
 humiliter ministrandum, & ad Eucharis-
 tiæ Sacramentum missæque Saerificium
 obeuudum. Pro habendis, cognoscendis,
 arripiendis investigandis occasionibus me-
 rendi de animarum salute, utque ad me
 dirigantur animæ quàm maximè egen-
 tes, & auxilio spirituali destitutæ., utque
 ego eas ex dono DEI possim efficaciter
 juvare. Pro impetrando dono concio-
 nandi hujusmodi, ut ab omnibus bene
 intelligi, libenter audiri, còrdaque homi-
 num ad obtemperandum inspiranti DEO
 efficaciter permovere possim. Pro gratia
 habendi integri usûs rationis & sensuum
 in hora mortis, ut in illo vitæ extremo
 puncto

puncto super omnia diligam Creatorem
meum, super omnia æstimem, super o-
mnia cupiam, & ex iisdem motivis do-
lendo intensissimè de peccâis, in manus
IESU spiritum meum tradam. Denique
offerò in impetrationem eorum omni-
um, quæ Divina bonitas mihi concedere
disposuit, & ordinavit, itá ut illa vult,
quia vult quando vult, quantum vult, &
cum quibus circumstantiis conditionibus,
gradibusq; vult. Fiat, fiat, fiat.

PRAXIS CONTRACTA

*Applicandi Sacrificium Ecclesiæ. ejusque
effectus omnes quidem, ac precipue im-
petitionis sive suffragij, & propitia-
tionis sive satisfactionis.*

1. Domine DEUS meus, Sanctissima
Trinitas, Pater, Fili, Spiritus Sancte,
coram tua Divina Majestate, doleo pro
peccatis meis omnibus & singulis: & do-
leo quia tu vis, & dignus es, ut doleam,
& quia displicent repugnantque Bonita-
ti tuæ quam amare super omnia æstima-
reque debui, & nunc æstimo æsti-
mareq;

marèq; semper deinceps volo. Sicut eti-
am volo deinceps pro iisdem peccatis
meis satisfacere juxta mentem & gratia-
am tuam, ab iisque semper diligenter ca-
vere. Quem contritionis actum offero
Majestati tuæ ad beneplacitum tuum, ad
fructum animæ meæ, ad disponendum
me dignè immolando sacrificio & sumen-
do sacramento tuo Sanctissimo, ad quod
accedere propono.

2. Domine DEUS volo & statuo ti-
bi offerre omnia sacrificia, quæ vis & scis
à me tibi offerenda (vellem etiam obla-
ta hætenus si fieri posset) quantum est
ex me etiam ab alijs tibi unquam & us-
piam oblata & offerenda, nominatim ve-
rò illud hodiernam sacrificium, ad quod
accedo tibi offerendum: volo inquam
& statuo tibi offerre, defactoque offero,
omni ea ratione, modò gradu, intellectu:
one, applicatione, sublimitate, intenti-
one ejusque omni intensiōe, extensiōe
ne, excellentia, motivo, puritate ac di-
spōitione, quæ tu scis; vis, das, hic &

nunc

nunc juxta gustum voluntatis tuæ mihi,
posse à me tibi offerri atque applicari.

3. Offero tibi Domine DEUS meus
tam hoc quàm omne aliud Sanctissimum
Sacrificium, quod nomini tuo in Eccle:
sia tua Sancta ritè offertur & offeretur un:
quam à me & ab alijs. & ego nunc of:
fero ad omnimodam laudem tuam, ad
gloriam Christi, ad memoriam, cultum
& invocationem Sanctorum, nomina:
tim ac specialiter ad invocationem Pre:
tiosissimæ Parentis MARIÆ, Sanctorum
hodiernorum omnium, Sancti N. San:
ctorum Patronorum omnium, qui gratiâ
devotionis ac reverentiæ erga Sanctissi:
mum Sacrificium Sacramentumque ex:
celluerunt, Sanctorum Sacerdotum omni:
um. Ad auxilium Ecclesiæ Tuæ, ad illius
defensionem, instructionem, profectum,
ad multiplicationē & augmentū in ea iu:
norū ac justorum, ad aversionē calamitatum
publicarum, diminutionemque peccato:
rum & peccantium, ad sublevationē neces:
sitatum nostrarum, nominatim mearū spi:
ritualium, corporalium, officialium, omni

bus in genere & in specie, benedic Do-
mine juxta cujus que indigentiam. Me-
mento Dulcissime DEVS tam vivorum
quam mortuorum fidelium, eorum præ-
sertim pro quibus orare soleo, debeo,
intendo, qui pro me orant, quibus spe-
cialiter obstrictus sum, quales sunt, ami-
ci, Benefactores mei omnes, mihi quoq;
sive malitia, sive errore infensi, inimici,
æmuli, adversarii, & pro quibus tu á me
orari vis. Memento omnium istorum
mi DEVS, & Sacrificij hujus valorem
omnibus juxta gustum voluntatis tuæ,
& debitum voluntatis meæ dispensa. Da
tibi gloriam, & honorem, gratiarum
actionem, Sanctis tuis laudem & exal-
tationem, Ecclesiæ vivorum per omnes
gradus & status gratiam: & auxilium:
animabus purgatorij solatium & refrige-
rium: mihi omne [cujus ex hoc sacri-
ficio absque ullius damno & impedimen-
to capax sum, & quovis modo derivari
super me potest] meritum, gratiæ actu-
alis efficacis & congruæ copiam, & in
sancti,

sanctitate finalem perseverantiam: juxta,
proportionem operis operati, operis o-
perantis, juxta impetratoriae & satisfac-
toriae efficacitatis latitudinem, juxta di-
spositionis meae tam habitualis quam a-
ctualis, quam ex gratia tua mihi largi-
ri tu dignaris, capacitatem. Tibi gloria
& gratarum actio, & plenissima aeter-
naque subjectio in saecula.

In quem finem advoco tuam DEVS
meus in substantia unitatem, in Perso-
nis Trinitatem, advoco omnitudinem,
dignitatem, sapientiam, amorem, caritatem,
justitiam, charitatem, misericordiam. pro-
videntiam atque voluntatem. Advoco
IESVM Christum tuum & Virginis Fi-
lium cum omnibus ejus substantijs, per-
sona, gratijs, meritis, donis, passionibus
virtutibus, & apud te DEVM prae-rog-
ativis sive justitiae, sive misericordiae, sive
gratiae, sive liberalitatis. In specie verò
advoco illum, quatenus est sacrificium
nostrum pro nobis, in honorem tuum
Domine DEVS noster. Advoco preti-
osissimam



officinam Parentem V. MARIAM cum
tota ejus, quam apud te habet, preroga-
tivarum mentura. Advoco Angelos San-
ctosque omnes tuos, eorumque gratias,
merita virtutes & glorias ac intercessio-
nes apud te. Nominatim advoco & in-
terpono IESVM Christum quatenus est
Sacerdos, altare & hostia vera & te di-
gna. Advoco B. M. V. Sacerdotum o-
mnium Reginam. Advoco omnes San-
ctos Sacerdotes. Advoco omnes San-
ctos Sacrificio Sanctissimo specialius in-
signiusque devotos & addictos. Advoco
omnes Sanctos templi hujus quacunque
ratione Patronos, omnes Angelos alta-
rium, & praecipue hujus in quo immo-
laturus sum praesides, omnes sanctos,
quos Ecclesia in Missae sacrificio ordina-
rie ac nominatim invocatur. Advoco San-
ctum, cujus hodie diem Festum Eccle-
sia recolit. Advoco Sanctos diei hodie-
nae omnes. Advoco Sanctos quoscunque
& quacunq; ratione meos Patronos, sive ex
nominis, sive ex Religionis, sive ex patriae,
sive

ex Ecclesiæ hujus devotione, sive ex reliquiarum apud me asservatione, sive ex speciali mea erga illos, illorumve erga me affectione. Advoco Sanctos, quorum Reliquiæ in hoc altari sunt reconditæ. Hos omnes & alios quoslibet, quostuz Divinæ Majestati ac bene placito mihi auxiliares esse placet, invito, iisque me recomendo, ac ut mihi tam in hujus præsentis, quàm in cujuslibet alterius Sanctissimi sacrificij oblatione adesse, meque adjuvare dignentur, tota devotione mentis, tota prostratione cordis, tota fidei ac spei amorisque latitudine invoco.

Protestor autem Domine DEUS meus, me in hac & omni alia ad hoc & ad quodvis aliud deinceps sacrificium sanctissimum dispositione, nihil aliud, nihil omnino, nè meritum quidem meum aut gratiæ augmentum, nisi in quantum tibi DEO Domino placitum est, nihil inquam meum privatum, ac quatenus meum prætendere, sperare ac desiderare, sed solam tuam voluntatem, solum tuum

benèplacitum, solam gloriam, solam dignitatis tuæ exaltationem, inquantum hoc voluntas Tua vult & desiderat, atque approbat.

Protestor deinde, me hac omni, qualisqualis est (ex gratia autem tua tota est) dispositione atque dispositionis contentione, intendere velle, & sperare, & rogare, ut per eam disponar quàm dignissimè non tantùm ad sacrificium, ut sacrificium est, sed etiam ad omnem aliam in sacrificio contentam actionem, nominatim verò & præcipuè, ad consecrationem & denique ad sumptionem sive manducationem corporis & sanguinis Domini nostri JESU Christi, in eam mensura, efficacia, proportionem, intensiōem, extensionem, in eoque gradu, in quo tu DEUS dignus es, in quo tu vis, in quo tu das. Tibi in Trinitate & Unitate æterna gloria super omnia, Amen.

ANNOTATIO:


Omnes supra posita observationes tantum sunt posita temporibus & spatijs, quasi

quasi vacuis inter actiones Missæ, quare
per has, non excluduntur aliæ, quas quis
habere volet in ipsis actionibus divinissima
hujus occupationis. His observationibus
ut commodè quis assvescat, eas non simul
omnes assumat, sed nunc his, nunc insue-
scat illis, donec omnes suas faciat absque
perturbatione & morosa prolongatione mis-
sa, ne simus oneri audientibus. Deinde,
qua recitamus vel agimus in sacro, ea non
cursim proferamus, sed cum intellectus per-
ceptione & affectuum in singulis latentium
inductione, in omnibus sunt magna &
mira mysteria, documenta, mira & ma-
gna DEI laudes, multiplicia orandi DE-
UM & honorandi genera, varia humili-
ationes gratiarum actiones, Christi

Domini P. Parentis, & San-

ctorum meritorum precum,

que interpositiones



PRECATIONES

Aliæ

Ante & post Missam

Authore P. Hieronymo Eytmin
Societatis JESU.

Actus Contritionis.

O Domine IESU CHRISTE! super
effluens fons misericordiæ: En vi-
lissimus peccator iterum revertor
ad pœnitentiæ Sacramentum cum gemitu
in amaritudine cordis mei; & accu-
so me, locò emendationis, in pristina
peccata & vitia relapsus. Parce Do-
mine, parce peccatori.

O Misericordissime IESU! respice me,
sicut pœnitentem Magdalenam & flen-
tem Petrum respexisti; parce mihi, parce
quia pepercisti publicano pœnitenti &
Latroni in Cruce confitenti. Parce ergò
& exaudi miserum peccatorem, Sanctum

Nomen

Nomen tuum & misericordiam implorantem.

Doleo Domine cordialiter de peccatis meis, dolore & mazore omnium, & quod mihi de vero dolore ac contritione deficit, Tu vells Sanctissimo Tuo dolore supplere pro me, DEOq; Patri, omnem dolorem, quem super meis, totiusq; mundi peccatis habuisti, offerre.

Confessionale ingressus.

ECce Domine perditissimus peccator & miserrimus homo, accedo ad superfluentem salutis fontem, abyssum clementiæ & misericordiæ, ut pretiosissimo Sangvine laver, Sanctissimis Tuis lachrymis, ab omni scelerum fæditate emunder.

Ante Pœnitentiam.

O Domine IESU Christe Fili DEI Vi-
vi! suscipe hoc obsequij mei minist-
sterium, in amore illo superdignissimo,
ac indulgentia quâ Beatam Magdalenam
& Petrum omnesq; ad te confugientes
peccatores absolvisti. Gratias quàm pos-
sum maximas ago misericordiæ tuæ, pro

exuberantissima bonitate tua, qua clementer peccata mihi multoties indulxisti, meque millies perditum ac damnatum, in sinum benignissimæ gratiæ recepisti. & in numero Filiorum DEI collocasti. Respice igitur Amantissime Pater, super me obligatissimum debitorem, tuis sanctissimis advolutum pedibus. humiliter iterum supplico, per merita vitæ, Passionis ac mortis Tuæ; libera me à præteritis, & præserva à futuris peccatis, & concede in satisfactionem, assignatam condignè peragere pœnitentiam.

Post Pœnitentiam.

O Benignissime IESU! suscipe hanc satisfactionem pro peccatis meis, quæ quidem nullatenus conferri potest cum multitudine & magnitudine iniquitatis meæ, quâ Te Dominum & DEUM meum gravissimè offendi. Undè nunc omnia simul mala mea, omnem ingratitude, sensualitatem, inobedientiam, iracundiâ, levitatem immortificationē, & cupiditatem & alia totius vitæ peccata

in flagrantissimum cordis tui ignem; in
immensum amoris tui ac Divinæ Miseri-
cordiæ incendium projicio. ut in illo igne
conflagrent: & accipio mihi ex abundan-
tissimo thesaurorum Gazophylacio, Sa-
cratissimum meritorum tuorum pretium,
in supplementum condignæ satisfactionis
meæ. Meq; ô Clementissime IESV! tam
efficaciter in Cælis absolvere velis, sicut
minister tuus in terris, tuâ me auctoris-
tate absolvit Amen.

I N T E N T I O.

Offero Tibi Sanctissima TRINITAS,
hoc Incruentum Sacrificium, ad glo-
riam reddendam, prout eam Christus re-
stauravit, ad gustum Sanctissimarum per-
fectionum misericordiæ, Justitiæ, bonita-
tis Tux. Ad Passionis Sanctæ memori-
am. Ad gratiarum actionem pro bene-
ficijs mundo; Ecclesiæ, Patriæ, Ordini;
per Creationem, Redemptionem, Con-
servationem factis, Ad satisfactionem ju-
stitiæ Divinæ. Ad unionem cum DEO
perpetuam.

Benedictionis à SSma Trinitate Petitio.

O Sanctissima TRINITAS posside, auge cor meum gratiâ tua, ut plè religiosè sanctè ac decenter hoc Missæ Sacrificium faciam, ad cultum Pretiosissimæ Matris, Sanctorum honorem, & animæ meæ salutem.

Ad hoc divinum Opus devotissimè ferventissime atq; Sanctissimè peragendum benedicat mihi indignissimo, vilissimo cultori, Imperialis Majestas; protegat me ab omni defectu regalis Divinitas; custodiat me sempiterna Deitas; defendat me immensa Trinitas; foveat me gloriosa Unitas; dirigat me ineffabilis Bonitas. Regat me potentia Patris, vivificet me potentia Filij, illuminet me virtus Spiritus Sancti, accendat me flagrantissimo amore Divina Charitas, donet me clementissima misericordia, gratiâ efficaci & finali, nunc & in æternum, Amen.

O JESU millies! & plusquam millies desideratissime, ecce jam appropinquat hora, hora inquam felicissima ad peragendum.

gendum Sanctissimum Sacrificium. O
Sapientia æterna! dispone me eâ dispo-
sitione, quâ Tu Te ipsum ad cruentum
in Cruce Sacrificium disposuisti. O A-
mor Divine! accende me eò amore quo
salutem nostram procurando flagrasti:
ut Cor meum sit vivum holocaustum
amori Tuo, & honori consecratum: ut
vita tota mea, incessanter hac flammâ ar-
deat, quâ ardent Seraphin, quâ ardent
Beati, quâ ardet totum Cælum, quâ ar-
det Sanctissima Mater, quâ ardes Tu, ut
omnibus hoc Sanctissimo Sacrificio &
prodesse & ad Tui amorem eos succende-
re possim. Tu vero ó Sanctissima Virgo
MATER Misericordiæ. concede mihi,
pretiosissimum Sanctissimarum virtutum
ac meritorum ornatum, ad Filium tuum
IESUM Christum, Dominum meum, in-
vilissimum animæ meæ thalamum reci-
piendum.

Et Vos Cælestes Spiritus: Angeli, Ar-
changelî cum Thronis & dominationi-
bus afferte vestram puritatem: Aposto-
lorum

lorum charitatem, Martyrum merita,
Confessorum sanctitatem, Virginum mun-
diciem, ac castitatem; ad augendam in
anima mea omnem ornamentorum ac
pulchritudinum culturam.

*Oratio ad Sanctissimam TRI-
NITATEM*

*Pro impetranda gratia unionis, ante &
post Sacrificium.*

Sapientia DEI mei governa me. Poi-
tentia DEI mei sustenta me. Bonitas
DEI mei salva me. Amor DEI mei in-
flamma me. Voluntas DEI mei dispone
me. Sanctitas DEI mei sanctifica me.
Charitas DEI mei solare me. Majestas
DEI mei regna in me. Immensitas DEI
mei reple me. Lux DEI mei illumina
me. Misericordia DEI mei complectere
me. Pulchritudo DEI mei exorna me,
Dulcedo DEI mei penetra me, Magni-
tudo DEI mei è terra attolle me, Pax
DEI mei pacifica me. iustitia DEI diri-
ge me, Sanctissima TRINITAS bene-
dic me; & Sanctum Opus meum nunc
& in æternum. Vene.

Veneror Omnipotentiam DEI per Sac-
crificium Sacratissimi Sacrificij, venera-
tor Sapienciam DEI per Sacrificium me-
arum virium, veneror Majestatem DEI
per Sacrificium meæ gloriæ, veneror Bo-
nitatem DEI per Sacrificium desiderio-
rum meorum, veneror Incomprehen-
sibilitatem DEI, per sacrificium mearum
cogitationum.

Evacuo memoriã meam imagina-
tionibus meis, & tu DEUS reple eam es-
sentiã tuã. Evacuo cor meum phantasma-
tibus & affectionibus meis, & Tu DE-
US reple bonis tuis. Evacuo mentem
conceptibus, & cogitationibus munda-
nis, & Tu DEUS reple lumine Sapientiæ
Tux in hoc Sacratissimo Sacrificio.

*Gratiarum actio post Sacrum &
communem.*

ECce Pater Cælestis, transmissa est ad
Te salutis Sacratissima Hostia, quam
Tu de Cælis misisti in terram. Dispone
nunc benignus, quo mihi miserearis, quo-
niam quidquid sanctius, quidquid preti-
-

Œſus, in terra inveni, Tibi Augustiſſimò
 Patri devotè obtuli, & quidquid charius
 inter charos reperi, Tibi in Sacra Ara ſup-
 pliciter præſentavi. Miſi dilectum glori-
 oſum Sanctum Filium Tuum inter Te
 & me Mediatorem, quare ſi me ut indi-
 gnum pro mea deſpicias iniquitate: reſpi-
 ce me ſaltem miſericors & miſerator pro
 dilecti Filij Tui charitate. Omnis namq;
 ſpes, & fiducia certitudo mihi eſt in pre-
 tiolo ſanguine ejus, qui effuſus eſt pro
 me, & propter noſtram ſalutem. Ad i-
 pſum anheſo, in ipſo reſpiro, & in ipſo
 conſiſus, ad Te pervenire deſidero, non
 habens meam juſtitiam. ſed eam quæ eſt
 ex dilectiſſimo Filio Tuo Domino no-
 ſtro JESU Chriſto & noſtro Mediatore.
 Amen.

O R A T I O.

Ad Chriſtum Crucifixum.

O JESU Redemptor mi! qui pro me
 crudeliſſimè fuiſti Crucifixus, & o-
 mnem Sanguinem tuum pretioſiſſimum,
 cum lateris aqua, largiſſime profuſi,
 ut me

me jam incarceratum, & catenis vinctum;
de potestate Dæmonis eriperes, cui æ-
ternum mancipatus eram. Gratias Tibi
quam maximas possum ago, pro incom-
parabili hoc amore, quo me dilexisti;
pro atrocissimis tormentis, quæ pro me
sustinuisti. Gratias Tibi quam possum
maximas ago, quia hodiè in me vivum
monumentum elegisti, & sub sacratissi-
mis speciebus, panis & vini in corde
meo quiescere voluisti: Adoro, saluto,
laudo, magnifico, exalto, divinissimum
Corpus tot plagis sauciatus, exosculor
cum reverentia sacros Pedes tuos, & sa-
cras Manus tuas, pro me clavis perfora-
tas. Adoro Sanctissimum cor tuum, quod
mei amore lancea fuit perforatum, &
promitto potius mori, quam deinceps
unquam Te intra cor meum crucifigere.

Ad Spiritum JESU.

SPIRITUS IESU, vivat in me per grati-
am, moretur per charitatem, regnet
per amorem, quiescat per pacem. Nolo
& millies nolo ac protestor coram tota

Curia Cælesti & pretiosissima Matre, ut affligatur per peccatum veniale, extinguatur per mortale, amittatur per amorem mundi, depellatur per amorem carnis.

Ad SPIRITUM S.

Veni Sancte SPIRITUS, Pater pauperum, Consolator afflictorum, veni & descende super me, veni & consolare me veni & illustra me, veni & dirige me Sapientiâ Tuâ, quomodo in corde meo tractem Dominum meum, soler gratissimum hospitem meum, amem incessanter amorem meum. Anima me ergo gratiâ tuâ Divinissime Spiritus, sanctifica amorè tuo, amorem meum. Confirma fortitudine tua infirmitatem meam. Penetra unctiōe Tua disjunctionem cum DEO meam. Adopta charitate tua nova mihi charismata. Pacifica inquietudinem meam præsentîâ Tuâ, salva me æternum divînâ misericordiâ Tuâ.

Oratio Sancti Patris JGNATII.

Divinitas IESU inhabita me, Persona IESU indivina me, Anima IESU sanctifica

Etifica me, Sanguis IESU lava me, Passio IESU conforta me, Vulnere IESU sanate me, Cor IESU recipe me, Spiritus IESU anima me, Pulchritudo IESU attrahe me, Humilitas IESU deprime me, mansuetudo IESU mitiga me, Pax IESU pacifica me, Amor IESU inflamma me, Regnum IESU veni in me, Gratia IESU reple me, misericordia IESU salva me, Sanctitas IESU consecra me, Puritas IESU emunda me, Crux IESU sustenta me, Glavi IESU configite me, Spinae IESU coronate me, Fel IESU inebria me, Os IESU benedic me, in vita & in morte in tempore & in æternitate, Amen.

*Precationes alix ante & post Missam
Authore P. Jacobo Boyman Soc: JESU.
Audi invitantem IESum: Venite ad me o
omnes qui laboratis & onerati estis, & Ego
reficiam. Et dic:*

VENIO mi IESu, ad te, voce tua invitatus; sed ecce multis vitiorum infirmitatibus laboro; multis sum miseriis oneratus, præsta fidem verbis tuis, & ad te venientem refice.

Audi

*Audi clamantem: Hodie in Domo tua
oportet me manere. Et dic.*

O Dignatio! Hanc amas, mi IESU,
ut te oporteat in domo mea manere?
Quis tu, & quæ Domus mea! Felix dies,
quo divinum lutea Domus mea excipit
Hospitem. Veni O Dilecte, Veni, & no-
li tardare; Veni, non ut transeas, sed ut
maneas. Veni de cælo in abyssum, mane;
& de abyssu cælum efficies.

*Audi monentem: Sacrificium Laudis
honorificabit me. & dic.*

Paro Sacrificium, mi JESU, ! utinam
laudis! & quæ Laus, in ore peccatoris
peccator sum; tot reus culparum; quot
horas vixi: ut dignè offeram, tu Gratiâ
tuâ me dignum effice.

*Audi allicientem: Si quis est parvu-
lus, veniat ad me. & dic.*

O Mi IESU, da ut sim, quem me ef-
se jubes, parvulus in oculis meis; humi-
litate; parvulus in oculis tuis, malitiâ:
parvulus innocentia, & sinceritate, ut tuo
dignus Sacrificio, tuo idoneus consortio,
tuo conformis exemplo inveniar. *Audi*

*Audi desiderantem: Delicia mea
esse cum Filio Hominum & dñi.*

Audi anima mea; Deliciæ JESU sunt,
tecum esse. Et possunt esse aliæ deliciæ
tuæ, quam cum IESU esse! potes ne tu,
aut non desiderare anhelantem ad re IE-
SVM tuum, aut aliud desiderare, quam
IESVM tuum? O IESU, corrige vitia-
tum cordis mei palatum, ut nullas extra
Sacrificium tuum, delicias deinceps con-
cupiscat.

*Audi Vocem Clamantis: Ecce A-
gnus Dei, ecce qui tollit peccata
Mundi: Et dñs.*

Epu'abimur hodie, O Anima mea!
Ecce, Agnus, Matre Virgine natus, Vir-
gine lacte nutritus, ab Origine Mundi
occisus, in Ara Crucis affatus, offertur
hodie in cibum tibi. Quid moraris? In-
vitant Angeli, accurrunt Iusti, saturantur
famelici. Peccata si terrent? Ecce qui tol-
lit peccata Mundi: Detestare, tu modò,
ac deprecare, & securè ad Sacramentum
Agni accede.

Audi

✻✻ (162) ✻✻

*Audi Clamorem Parabolicum: Ecce
Sponsus Venit exite obviam
ei. Et dic.*

Evigila è somno Anima mea Christo
desponsata, excute torporem Sponso in-
visum: exi obviam, Fide ducente, Spe
impellente, animante Charitate: Venit,
ut te mundet Sanguine suo, ut te illu-
minet præsentia sua, ut te dilet meritis
suis, ut te inflammet Charitate sua: felix
si clamorem audieris, si obviam exiveris,
si Sponsum exceperis.

*Audi Vocem Propheta Zach: 5.
Ecce Rex tuus venit tibi. Et dic,*

Anima mea egredere in occursum Re-
gis tui: Egredere de terra tua, terrenis,
scilicet desideriis; de cognatione tua, con-
cupiscentiis tuis; de domo Patris tui,
extra fines Carnis, & Sanguinis: Ecce
Rex tuus venit tibi! Rex Cæli, tibi
terre Vermiculo, Rex Gloriæ tibi villi-
sin o: venit, tui captus amore, quæ ali-
os, despecto illo, amatores. secuta es:
Venit in cibum tuum paratus, tamen si
alios

Allos tu Cibos, illo fastidito, concupiscis;
venit te Gratijs suis repleturus, quas
tu toties turpiter prodegisti: Venit indi-
gno tibi, solâ suâ Inclinator dignatione;
venit ingrato tibi, solâ suâ beneficentiâ
morus; venit inutili tibi solâ suâ motus
bonitate. Venit infirmo, Rex Virtutum,
& mansuetus venit; ne percellat Maje-
stas. O Anima mea, subdere Regi tuo;
excute dominatum omnem alienum; non
regnet in te Princeps Mundi; non in
mortali corpore tuo peccatum: Tu O
IESU, esto Rex cordis mei, illudque ita
rege legibus amoris, ut nihil sciat, nisi
amare te super omnia, & propter te so-
lum, omnia:

Post Sacrificium. Heu me! quid sum
ausus? tantam Majestatem in Cordis mei
stabulum, imô prostibulum intromit ere?
Mirare Cœlum, non abhorruit Rex Cœ-
li, diversorium peccatoris. Quid dicam
mi IESU? nunquid ut exeas à me, quia
Homo peccator sum? Imo vero id rogo,
ut, sicut miraculo es ingressus, alio Cor
meum

meum miraculo Sanctifices: Cor meum
terre affixum est, & tu illud, qui solus
potes, coeleste effice: ad omnem proprii
arbitrii ventum mobile est; da, ut non
nisi ad nutum placiti tui moveatur; ad-
versis sustinendis debile est. Tu illud
prælatiæ tuæ virtute confirma: rebel-
lium perturbationum diversorium est, Tu
illud, virtutum paradisum effice.

Actus adorationis. O Beata Trinitas,
O Summa Deitas, O Divina Humanitas,
O Corpus Salutis meæ Victima, O
Anima amoris mei Officina, prosterno
me humillimè coram Majestate vestra,
& adoro submississimè, Supremū meum
Dominum. cujus me figmentum agnos-
co, & è nihili mei Abyllo veneror infi-
nitam tuam Majestatem, intimèque gau-
deo, te à Beatis Justisque in Cælo, & ter-
ra adorari, ac doleo ex animo, à repro-
bis te, impii que offendi, & desidero, e-
orum injurias vitæ etiam meæ, impen-
dio compensare.

Actus Gratiarum. actionis. Quanto,
mi

mi IESU, honore, me vilissimum tuum
 Manciplum es dignatus! cui in cibum,
 divinissimum corpus tuum obtulisti?
 Quas tibi pro tanta dignatione gratias,
 vel tota reddere potero æternitate! Ita-
 ne mecum uniri desideras, ut teipsum in
 cibum Animæ meæ digeras? Itane me
 exaltare, ut te abijcias? Itane me dita-
 re, ut te prodigas? Itane me recreare, ut
 te consumas! O Admirabile Charitatis vin-
 culum! O Verbum, quod pro me inter-
 pellat! O Hostia quæ me redimit! O Vi-
 ta, quæ me vivificat! O Caro, quæ me
 resuscitat! O Deitas, in qua quiesco! O
 Humanitas, è qua Salutem meam expè-
 cto! O dignatio! Hominem me pascit
 DEUS meus: Me peccatorem meus IE-
 SV-S: Me terram, Cælum meum: me
 malitiam, Bonitas mea. Quorsum illud,
 Mi IESU? Hominem me pascis ut DEUS
 sim: peccatorem, ut Salvus sim: terram
 ut Cælum sim: creaturam, ut in Creato-
 re sim. Malitiam ut transeam in boni-
 tatem. Et cur non sum ille, toties pastus

à IESU

à Iesu meo? Adde illud dono tuo, mi
Iesu, ut sim qui esse debeo. Sed quid
reddam, toties, & tam miris modis meo?
Ego è nihilo egressus, in nihilum toties
regressus, totus nihil, reddam tamen,
quidquid sum, habeo, possum: Et quid
quid deest de meo, reddo de alieno. O-
mnes inquam Gratias, quas, Divina tua
Humanitas, unquam Deo meo reddidit,
aut est redditura; quas Virgo Mater, quas
mentes Angelicæ, quas omnes Beati, quas
iusti universi, unquam reddiderunt: o-
ptoque ut in Cor meum transeant omnes
illorum affectus, quibus dignas tanta Li-
beralitate gratias, tandem rependam.

Actus oblationis. Offero tibi, Mi Ie-
su me ipsum, meaque omnia, jam pridem
repetitis toties votis meis, tibi consecra-
ta Offero proposita mea omnia, te dante
concepta eaque desidero, Gratiâ tuâ ad-
jutus ad punctum explere: Offero quid
quid largiente te habeo, te adjuvante pos-
sum. Cor ut amet te; lingvam, ut lau-
det te; manus, ut serviant tibi; pedes, ut
sequantur

sequantur te. Offero firmum animi mei decretum, nunquam te peccato ullo lethali, sed nec deliberato ullo veniali, deinceps offendendi, perfectionem actionum mearum sectandi, molesta æquanimiter ferendi, in obsequio tuo perseverandi. Suscipe mi Iesu. totum me, & transfer ante te, ut vivam jam non ego, sed tu in me, quoad ego in te tandem vivam beatè æternum.

Actus Petitionis. Sed quid Offero, Mi Iesu, ipse egentissimus? Cur paupertatem meam coram te non explico, tenuitatem meam non prodo, Infirmitatem meam non agnosco? Patere mi Iesu. me infimum mendicabulum tuum supplicare tibi: Ecce vitiis, & imperfectionibus plenus sum, munda me, Gratiis & virtutibus vacuus sum, dita me; morbis, & miseriis repletus sum, sana me; Dona veniam peccatori, relaxa pœnam debitori. da Gratiarum & virtutum augmentum, largire perseverantiam in benecæptis, præsta Cor Mundum à contagiis vitiosarum consuetudinum, à turbis perturbationum, ab insidiis tentationum, ab actionum tepore, vitæ languore: præsta & Corpus sanum, & firmum ad obsequium tuum; Dirige ad placitum tuum, omnes animæ facultates, Intellectum Fide & Sapientiâ tuâ instrue, affectum amore inflamma, memoriam præsentiae tuæ recordatione occupa.


Dirige eodem, & Corpus meum, omniaque
ejus

ejus membra; ut nullum unquam inde aber-
ret: atque uti Divinitate tua, regebas Hu-
manitatem, animam ejusdem & corpus, sensus,
& membra: ita & in me eadem rege. Confer
vires adversus ardua omnia, & difficilia: Ser-
va humilem in prosperis, fortem in adversis,
Donal Ecclesiæ tuæ Pastores studio & curâ vi-
giles, vitâ exemplares: Justos in eadem mul-
tiplica, Tepidos excita, peccatores justifica,
Infideles illumina, afflictos solare, Adversari-
os concilia, Defunctos libera, da denique pe-
tere, quod tibi placet dare: obtinere, quod sa-
luti meæ expedit.

Ad M.D. G.



Biblioteka Jagiellońska



stdr0004223

959289

